



C40
4514
96



6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

了翁上座譲大藏及有
家書置三司使學山
我微笑塔院庭府中永
為學五者不敢許此院內
當山二世鐵牛機謹誌

佛說大乘菩薩藏正法經卷第十一

第十
同卷

宋三藏朝散大夫試光祿卿傳梵大師惟淨
等奉詔譯

如來不思議品第四之五

復次舍利子云何名爲如來種種信解智力謂佛如
來於諸衆生諸補特伽羅所有信解種種差別如來
一一如實了知若諸衆生本住貪愛於瞋起解廣如
經說若諸衆生本住著癡於瞋起解如來一一如實
了知若諸衆生本住不善之法於不善法起解如來
一一如實了知若諸衆生本住善法於善法起解如

B E4853

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

來一一如實了知若諸衆生修下劣行於殊勝法而
 起信解如來悉如實知若諸衆生修殊勝行於下劣
 法而起信解如來悉如實知若諸衆生修下劣行於
 殊勝分位而起信解如來悉如實知若諸衆生修殊
 勝行起下劣解如來悉如實知若諸衆生於邪定聚
 而起信解取彼定法如來悉如實知若諸衆生於正
 定聚而起信解取彼定法如來悉如實知若諸衆生
 於正定聚取彼解脫如來悉如實知若諸衆生信解
 欲界定法從欲界入如來悉如實知若諸衆生信解
 色界定法從色界入如來悉如實知若諸衆生信解

無色界定法從無色界入如來悉如實知若諸衆生
 信解三界定法徧三界入如來悉如實知若諸衆生
 本住下劣分位而得殊勝之法如來悉如實知若諸
 衆生本住殊勝分位而得下劣之法如來悉如實知
 若諸衆生起種種信解種種色相種種受用種種領
 納如來悉如實知若諸衆生信解以先業故當感墮
 墮如來悉如實知若諸衆生信解脫之法取彼解脫
 說法舍利子此是如來信解智力無有邊際與虛空
 等若諸住信菩薩於佛如來種種信解最勝智力聞

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

已淨信超越分別離諸疑惑後復生起身喜心喜適
悅之相發希有想爾時世尊重明斯義說伽陀曰
世間種種信解法過未現在無限量
卽彼信解如所思佛人中尊皆曉了

若於貪法起信解而本住著瞋分位
若瞋若癡義亦然佛隨信解皆明了
住貪住癡等諸法隨心所持難思度
相續無間徧所行能仁勝智皆明了
若諸衆生下劣行還復信解廣大法
行勝解劣義亦然佛調御尊皆明了

若衆生取邪定聚來還所起亦復然
所有三界解脫門佛隨喜解皆明了
所生色相種種異受用差別亦復然
隨先業故報無差二足聖尊皆明了
隨其信解了知已如其所應爲說法
第三勝解智力門佛子當生清淨信
舍利子如是如來第三信解智力如來應供正等正
覺以具勝智力故了知勝處於大衆中能師子吼轉
妙梵輪一切世間天人魔梵悉不能轉無與如來同
其法者復次舍利子云何如來種種界智力謂佛如

來於種種界如實了知若諸衆生於諸世間以諸福行而爲長養如來悉能如實了知若諸衆生以非福行而爲長養如來悉如實知若諸衆生修出離行如來悉爲長養如來悉如實知若諸衆生以不動行而爲長養如來悉如實知若諸衆生修出離行如來悉如實知又舍利子如來悉如實了知眼界色界眼識界云何能知謂佛了知內空外空內外空故乃至意界法界意識界悉如實知云何能知謂佛了知內空外空內外空故又舍利子如來了知地界水界火界風界及虛空界悉如實知云何能知謂如虛空故亦然了知如來悉知欲界色界及無色界分別所起知

有爲界是造作相知無爲界是無造作相知雜染界是客塵煩惱相知清淨界是自性明亮相知諸行界是不如理作意無明相知涅槃界是如理作意明智相又舍利子若諸界依止諸界安住諸界隨順諸界建立諸界作用諸界意趣諸界寂定諸界住著如來一一如實了知隨所知已卽爲說法舍利子此是如來種種界智力如是勝力無有邊際若諸住信菩薩於佛如來如是智力聞已淨信超越分別離諸疑惑後復生起身喜心喜適悅之相發希有想爾時世尊重明斯義說伽陀曰

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經一
大乘法華經卷第一

四

妙光

一切世間諸衆生 以種種界爲依止

隨轉界趣義亦然 佛無上尊皆明了

福非福及不動行

諸出離界義亦然

隨諸界趣安住心

涅槃無動常寂靜

所有眼界及色界

彼眼識界亦復然

耳鼻舌身意界中

如來如實皆明了

於其法界了知已

彼意識界亦復然

了知諸法內外空

此卽能仁大智力

地界水界及火界

而彼風界亦復然

如是諸界徧了知

猶如虛空等無異

所有欲界及色界

彼無色界亦復然

如來如是徧了知

及彼分別所起等

而彼虛空無邊際

諸界無邊亦復然

佛於一切雖徧知

不起我心能了解

了知諸界無所生

亦知諸界無所滅

如是諸界寂靜心

無上丈夫皆明了

如其虛空無邊際

佛智無邊亦復然

以無礙智悉了知

種種信解皆解脫

知心所起信解已

俱胝衆生悉調伏

如來第四力圓成

佛子當生清淨信

舍利子如是如來第四智力廣說乃至無與如來同
其法者復次舍利子云何名爲如來根勝劣智力謂
諸衆生所有根性若勝若劣如來一一如實了知云
何能知謂下根中根及彼利根亦復偏知殊勝諸根
乃至積集分別從食所起諸業根性從瞋所起諸業
根性從癡所起諸業根性如來悉如實知如是分別
諸業虛妄所起貪瞋癡等皆如實知如是分別諸根
從貪瞋癡少分所起者如來悉如實知分別諸根從
貪瞋癡廣大所起者亦如實知分別諸根從貪瞋癡
執著所起者亦如實知若善因根性若不善因根性
若不動因根性若出離因根性如來悉如實知又舍
利子如來偏知一切衆生眼根耳根鼻根舌根身根
意根女根男根命根苦根樂根憂根喜根捨根信根
精進根念根定根慧根未知當知根已知根具知根
如是二十二根如來悉如實知又諸根中若眼根因
通耳根分位非鼻根舌根身根如來悉如實知若耳
根因通鼻根分位若鼻根因通舌根分位若舌根因
通身根分位若身根因通眼根分位如是諸根因及
分位如來悉如實知若諸衆生有布施根性修持戒
行如來了知自佗根故卽爲宣說布施之法若諸衆

生有持戒根性修布施行如來了知自佗根故卽爲宣說持戒之法若諸衆生有忍辱根性修精進行如來了知自佗根故卽爲宣說忍辱之法若諸衆生有精進根性修忍辱行如來了知自佗根故卽爲宣說精進之法若諸衆生有禪定根性修勝慧行如來了知自佗根故卽爲宣說禪定之法若諸衆生有勝慧根性修禪定行如來了知自佗根故卽爲宣說勝慧之法總略乃至諸菩提分法亦如是說若諸衆生具聲聞根性修緣覺乘行如來了知自佗根故卽爲宣說聲聞乘法若諸衆生具緣覺根性修聲聞乘行如來了知自佗根故卽爲宣說緣覺乘法若諸衆生具大乘根性而修聲聞緣覺乘行如來了知自佗根故卽爲宣說大乘之法若諸衆生具最上乘根性修大乘行如來了知自佗根故卽爲宣說最上乘法若諸衆生具不堪任非法器根性如來了知無所堪任非法器已卽當捐棄若諸衆生有所堪任是法器者如來卽爲宣說正法舍利子如來於一切衆生中若觀察諸根而悉了知不出離根者亦悉了知若出離根者而悉了知不出離根者亦悉了知隨諸衆生何等根性若諸行法若意樂因若緣若障若究竟處若最

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

後根如來一一皆如實知爾時世尊重明斯義說伽陀曰

趣向彼岸諸根性 知衆生性及意樂

世間諸根徧了知 人中師子宣正法

普觀下中上根器 未曾有智而徧轉

知解脫器諸衆生 智宣勝法令開曉

決定煩惱諸所起 隨衆生根少或多

如諸根性遍了知 隨順宣說智行法

若諸衆生具善根 或具不善諸根者

眼耳鼻舌身意根 苦樂憂喜捨根性

信進念定慧根等 男女命根亦復然

如其宣說彼信根 餘根勝義亦如是

根性所行及諸相 隨衆生意而徧轉

應根宣說勝法門 智善明了諸苦法

聲聞諸根難解脫 唯佛菩提善出離

聲聞不知佛智因 爲說菩提最勝力

舍利子此是如來第五智力廣說乃至無與如來同
其法者復次舍利子云何名爲如來至處道智力謂
佛如來徧一切處所向之道皆如實知云何能知若
衆生界住正定聚者住不定聚者住邪定聚者一

了知若住正定聚衆生界者所有因力及彼先行而悉具足開明利根如來知彼有所堪任是解脫器隨昔因力而爲說法若住不定聚衆生界者以彼緣力成熟相故隨其所應說法教授卽得解脫若緣力未熟卽不解脫如來俟其因緣和合值佛出世卽爲說法彼於佛所得聞法已深固勤行乃得勝果若住邪定聚衆生界者不修正業根信癡暗非其正器如來不爲說法以其無所堪任非解脫器如來知已卽當捐棄是故諸菩薩應當勤行被精進鎧又舍利子如來了知三種貪處謂有貪處善相所起復有貪處邊際相所起復有貪處先因所起如來了知三種瞋處謂有瞋處惱害相所起復有瞋處貪不滿意所起復有瞋處宿習所起如來了知三種癡處謂有癡處無明因所起復有癡處有身見因所起復有癡處疑惑因所起如來一一如實了知又舍利子如來於諸苦處以迅速神通而能了知以其利根或於苦處以遲緩神通而能了知以其柔軟根故又復如來於諸樂處以迅速神通而能了知以其柔軟根故又於樂處以遲緩神通而能了知以其柔軟根故又於遲緩處以迅速神

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

通而能了知令得輕安故於迅速處以遲緩神通而能了知以無畢竟安隱故於迅速處以迅速神通而能了知以無別異故又復有處得決擇力圓滿非修習力有得修習力圓滿非決擇力有修習力及決擇力皆得圓滿有修習力及決擇力皆不圓滿如來一如實了知又復有處意樂具足行不具足有行具足意樂不具足有意樂具足行亦具足有意樂不具足行亦不具足如來一如實了知又復有處身業清淨非語非心又復有處心業清淨非身非語又復有處身語心業皆不清淨又復有處身語心業皆悉

清淨如來一一如實了知舍子所有一切衆生於一切處所作因業若動若寂如來以無礙智隨衆生轉舍利子如是如來至處道智力無其邊際與虛空等諸住信菩薩聞已淨信超越分別離諸疑惑後復生起身喜心喜適悅之相發希有想爾時世尊重明斯義說伽陀曰

佛善了知至處力

諸正定聚知彼因

及不定聚諸衆生

彼成熟相皆明了

三種貪處佛善了

瞋癡三種亦復然

三種煩惱差別門

佛悉了知因緣處

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

總

大乘菩薩藏正法經卷第十一

十一

如來

苦處了知利根性

遲緩神通柔軟根

樂處利根亦復然

佛悉了知遲緩相

有遲緩處遲緩力

或遲緩處利根性

或迅速處遲緩根

迅速神通無異相

慢養有決擇力無修力

或有修力決擇無

決擇修力或俱圓

二種俱無皆明了

有處意樂或圓具

而復行業未能圓

俱有俱無二種門

佛能偏觀皆明了

有處身業得清淨

非語非心淨亦然

或復語身清淨時

非心清淨義如是

或有清淨於心業

非語非身義亦然

或復語心清淨時

非身清淨義如是

身語心業皆清淨

佛徧觀察悉能知

如其所成寂靜門

此佛第六勝智力

舍利子此是如來第六至處道智力如來以具勝智力故了知勝處乃至世間無與如來同其法者

佛說大乘菩薩藏正法經卷第十一

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經一
方持吉和正法經卷第十一

十一

如來

佛說大乘菩薩藏正法經卷第十二

宋西天三藏朝散大夫試光祿卿傳梵大師
法護等奉詔譯

如來不思議品第四之六

復次舍利子云何名爲如來禪定解脫等持等至染淨所起智力謂佛如來於自於他所有禪定解脫等持等至染淨等法悉如實知云何能知所有一切衆生諸雜染法若因若緣悉如實知及彼衆生諸清淨法若因若緣亦如實知云何是因云何是緣謂卽一切衆生諸雜染中不如理作意是因無明是緣無明

6 7 8 9 10 11 12 13 14 15 16 17 18 19 20 21 22 23 24

爲因行爲緣行爲因識爲緣識爲因名色爲緣名色爲因六處爲緣六處爲因觸爲緣觸爲因受爲緣受爲因愛爲緣愛爲因取爲緣取爲因有爲緣有爲因生爲緣生爲因所緣爲緣煩惱爲因業爲緣見爲因愛爲緣隨眠爲因所起爲緣一切衆生諸雜染處此如是因此如是緣如來一一皆如實知又因緣者所有一切衆生於清淨法中有二因二緣若諸衆生聞佗隨順語言音聲卽能各各深固作意於三摩地能善觀想善住心一境性又二因二緣者謂所起智及未起智又二因二緣者謂伺察生法不證涅槃又二

因三緣者謂明行具足取證解脫又二因二緣者謂盡智無生智又二因二緣者謂真實覺了真實所得如是一切衆生於清淨法中有如是因有如是緣如來一一皆如實知又舍利子所有一切衆生有其多種清淨所緣雜染所緣有取清淨所緣者如實伺察故有取雜染所緣者如實伺察故有雜染所緣中取清淨所緣者如實伺察故有清淨所緣中取雜染所緣者增上慢所執故舍利子如來勝智廣大無邊而能偏轉如實偏知所謂離諸罪業尋伺善法入離生喜樂初禪定門從初禪定入至滅受想定起乃至從

滅受想定入還至初禪定起八解脫者謂順入逆入及逆順入何等爲八一者有色觀諸色解脫二者內無色想觀外諸色解脫三者淨解脫身作證具足住四者空無邊處解脫五者識無邊處解脫六者無所有處解脫七者非想非非想處解脫八者滅受想解脫此八解脫若順若逆等持等至及三昧耶皆能觀想然佛如來於三摩地悉無分別亦無所緣及彼所入如來於一三摩地中徧入一切三摩地門從一定起諸定亦然如來於等引心無相續轉無所得心無能觀心所有一切緣覺三摩地出過聲聞三摩地菩薩三摩地出過緣覺三摩地諸佛三摩地出過菩薩三摩地何以故如來增上勝智悉徧轉故若發聲聞心者諸有語言及教授法如來悉知若發緣覺心者若發菩薩心者亦如實知隨其所應說法授教舍利子此是如來第七禪定解脫等持等至染淨所起智力無邊無際與虛空等諸住信菩薩聞已淨信超越分別離諸疑惑後復生起身喜心喜適悅之相發希有想爾時世尊重明斯義說伽陀曰

諸有衆生雜染性 及諸衆生清淨因
大無畏尊悉了知 知已隨應爲說法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經 南

廿四

妙法

而諸煩惱所因者 從彼無明緣所生
 無明爲因行爲緣 乃至有支生諸苦
 一切煩惱諸根本 源由不如理作意
 從是因緣生有支 佛善了故爲開曉
 諸業根本所謂行 無明及識而爲緣
 乃至諸苦有支生 隨佗音聲起諸法
 深固作意而內觀 審知二因及二緣
 衆生如實覺了因 以彼因故能寂止
 衆生若求解脫因 應當善觀諸緣法
 調御聖尊悉了知 深固安住戒清淨

如應審諦觀空法 而善修習解脫門
 解脫三有苦難中 如實清淨善開曉
 衆生信佛清淨法 空無相願解脫門
 三摩鉢底復善宣 不聲聞緣覺諸禪定
 衆生備具諸煩惱 佛說禪定所脫門
 無染第七力圓成 能調難調佛善說
 舍利子如是如來第七智方如來以具勝智力故了
 知勝處乃至無與如來同其法者復次舍利子云何
 名爲如來宿住隨念智力謂佛如來以無上智若自
 若佗無數多種諸宿住事隨念了知若一生若二生

三四五生若十二十三四五十百生千生及百千生乃至無數俱脈那庾多百千生事隨念悉知若成劫若壞劫若成壞劫乃至無數成壞劫中於某方某處往昔世中諸有衆生如是名字如是種族如是姓氏如是狀貌如是色相如是形體如是壽量如是久住如是苦受如是樂受於某處滅於某處生復於某處滅已復某處生若有表示若無表示若自若佗有無數多種宿住隨念等事若諸衆生有如是因由彼因故諸所從來如來一一如實了知知已爲說法要所有一切衆生過去心行如來悉能住持了知若心相續若心所緣若心生起於所緣心不壞不滅舍利子如來於一衆生心相續知故乃至於何等心而悉相續如實了知從某心起設經碗伽沙數等劫說不能盡是故應知諸佛如來了知一切衆生心行無其邊際經俱胝劫說不能盡如來無上勝智亦無邊際舍利子如是如來宿住隨念作證智力不可思議無有等比無其限量不可筭數不可記說於諸衆生無邊際處以佛神通智力隨念能知若諸衆生隨所生起種諸善根若佛乘若緣覺乘若聲聞乘若諸善法如來隨念而悉能知如來以大威力隨諸衆生善根所

緣卽爲說法令彼衆生不退轉於阿耨多羅三藐三菩提果如其信解皆得出離若發聲聞乘心若發緣覺乘心若發無上正等菩提之心舍利子此是如來第八宿住隨念作證智力無其邊際與虛空等諸住信菩薩聞已淨信超越分別離諸疑惑乃至發希有想爾時世尊重明斯義說伽陀曰

百俱胝劫無邊際
佛世燈照宿住事
徧知自佗五類心
如觀掌中菴摩果
壽量劫數及色相
生滅衆生所起因
具法器者亦悉知
過去無邊無際等

世間衆生心心所
相續所生無間斷
聖尊大智徧了知
過去無量諸心法
一衆生心佛知已
宛伽沙數等亦然
三有無際復無邊
乃至後際不可盡
如是所行智無盡
無數亦復無限量
世尊智海廣無邊
悉知衆生善意樂
尊重能仁具無量
同其神通智力悉廣大
如昔所修善法因
以威神力能思念
如是無量大福事
三種智通善思念
安住不退轉大心
已修勝行解脫道

善逝正智無邊量 能知一切衆生心

第八智力廣無邊 佛子當生清淨信

舍利子如是如來第八智力如來以具勝智力故了知勝處乃至無與如來同其法者復次舍利子云何名爲如來天眼隨念作證智力謂佛如來以無上智清淨天眼過於肉眼觀見世間一切衆生生時滅時尊貴卑賤善相惡相趣向善趣趣向惡趣隨諸衆生業報成熟所受其果如來悉知又若衆生身語意業作諸不善毀謗賢聖起諸邪見以其積集邪見因故身壞命終墮於惡趣地獄餓鬼傍生趣中若諸衆生

身語意業作諸善行不謗賢聖起於正見以其積集正見因故身壞命終生天界中又復如來清淨天眼徧觀十方一切佛利如虛空界無其邊際亦如法界無有限量不可記說所有十方殞伽沙數等一切佛刹如來智光而悉照現或見一切大火炎熾或見一切成壞等相或見衆生光明中來或見衆生生時滅時或見菩薩光明中現或見菩薩從兜率天沒來生人間降神母胎菩薩生已卽行七步所有菩薩住胎入胎悉能觀見或見諸佛世尊光明中現或見菩薩成正覺果或見諸佛轉大法輪或見諸佛猷捨壽命

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30

所有緣行入大涅槃或見諸聲聞衆光明中現又見聲聞趣證涅槃或見諸緣覺衆光明中現又見緣覺現諸神通作大清淨或有衆生不能乘佛光明來者謂外道衆及五通仙衆不與聲聞緣覺菩薩相等是故不能乘光而來以佛清淨最上天眼智力光明亦悉乘光而來或復如來現車輪量廣大光明有諸衆生乘光而來如是乃至三千大千世界無量無邊偏衆生界一切天人悉於如來智光中現又舍利子如來清淨天眼偏觀一切佛刹諸衆生界何等衆生所應化度隨其觀已有應度者佛卽爲現其前而化度

之是彼衆生旣得度已餘諸衆生亦悉不知舍利子此是如來第九天眼作證智力無其邊際與虛空等諸住信菩薩聞已淨信廣說乃至發希有想爾時世尊重明斯義說伽陀曰

善逝天眼淨無垢

俱胝劫集善業因

佛眼觀照徧十方

佛刹廣大不思議

若成若壞諸事相

或見炎熾大火鬘

或見多界渾然空

佛自然智皆明照

廣大難思衆生界

若色無色亦復然

或墮善趣惡趣中

佛自然智皆明照

現在俱胝諸如來 及已涅槃諸聖尊
并諸緣覺與聲聞 佛自然智皆明照
菩薩爲欲利衆生 諸所修行菩提行
覺智明達無攝藏 佛自然智皆明照
如是善逝無垢眼 衆生微細悉能觀
第九智眼力難思 佛子應當生淨信
舍利子如是如來第九智力如來以具勝智力故了
知勝處乃至無與如來同其法者復次舍利子云何
名爲如來漏盡作證智力謂佛如來以無上智力諸
漏悉盡非漏隨增心善解脫慧善解脫證自通已隨
諸所行我生已盡梵行已立所作已辦不受後有如
來以是漏盡智力清淨明亮悉斷一切種子習氣不
與一切聲聞緣覺而相等比聲聞漏盡者有其限量
不斷習氣緣覺漏盡者亦有限量捨離大悲及離辯
才如來漏盡者諸相具足一切種子習氣皆悉除斷
大悲攝受無畏辯才深善伺察一切世間無勝過者
住一心相和合所成何以故如來已無業種子故無
煩惱種故於威儀道無過失故其猶虛空清淨澄瑩
煙雲塵霧悉不能染如來漏盡智力亦復如是一切
煩惱種子悉不能染如來安住如是清淨漏盡智力

已盡諸漏說漏盡法亦復宣說斷取著法令諸衆生了知一切虛妄分別諸所取著而悉不起普令衆生如實伺察如來以善方便說譬喻法令諸衆生於彼諸漏不實法中如實知已於一切法無少法可取於諸取著而悉寂止舍利子如來了知一切衆生諸漏所集諸漏滅法諸漏向滅之道如來如實知已隨其所應爲說法要諸住信菩薩於佛如來漏盡作證智力聞已淨信超越分別離諸疑惑乃至發希有想爾時世尊重明斯義說伽陀曰

漏盡智力佛圓具廣大無量淨無障

成滿十方勝智門趣正無上菩提果
不同聲聞漏盡智種習限量結縛障
人中最上最勝尊蠲除種習及限量
所有緣覺漏盡智捐捨大悲及辯才
世尊漏盡智圓成大悲辯才皆無量
佛善安住漏盡智悉知世間漏不實
於一切法虛妄中此理如應皆善了
悲念世間極苦惱說法無我空無常
虛假不實諸相中應觀最上寂靜地
無我無人無衆生作者受者悉皆無

於一切法虛妄中

佛悲心觀解脫道

如來已離諸疲懈

實智亦無忘失法

能仁常住相應門

廣利世間宣正法

十力能摧於佗法

十力無邊等虛空

善能安住十力尊

轉最上輪無等比

舍利子如是如來十種智力如來以具十智力故了知勝處於天人世間能師子吼轉妙梵輪所有一切天人魔梵悉不能轉無與如來同其法者諸住信菩薩於佛如來不可思議最勝智力應當淨信超越分別離諸疑惑後復生起身喜心喜適悅之相發希有

想

佛說大乘菩薩藏正法經卷第十二

丹陽居士賀懋熙懋照懋熒懋燾懋輝仰承
先嚴賀學禮遺願施資刻此
佛說大乘菩薩藏正法經卷第十二 計字七千
二百五十五箇該銀三兩七錢七分
江陰在琳對上元陶邦本書吳文科刻
萬曆己未歲夏六月徑山化城寺識

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

四

大乘寶藏正法經卷第十三

二

如

佛說大乘菩薩藏正法經卷第十三第十四同卷

宋西天三藏朝散大夫試光祿卿傳梵大師
法護等奉詔譯

如來不思議品第四之七

復次舍利子云何名爲如來四無所畏不可思議諸
住信菩薩應發淨信超越分別離諸疑惑乃至發希
有想舍利子如來無所畏法共有四種如來由具四
無畏故了知勝處於大衆中能獅子吼轉妙梵輪餘
諸沙門婆羅門悉不能轉一切世間天人魔梵無與
如來同其法者舍利子何等是爲四無所畏一者一

切智無畏謂佛如來已能圓具無上勝智於大衆中
作如是言我成無上正等正覺此法唯佛自所證知
餘諸天人世間不能與佛同其法語如來以此法故
成等正覺云何說名如來成等正覺謂佛如來以一
切法平等故而成正覺於諸法中無高無下若異生
法若聖人法若諸佛法若有學法若無學法若緣覺
法若菩薩法若世間法若出世間法若有罪法若無
罪法若有漏法若無漏法若有爲法若無爲法於如
是等一切法中如來悉平等故此名如來現成正覺
此中云何名爲平等謂空平等見自性故無相平等
相自性故無願平等三界自性故無生平等生自性
故無作平等作自性故無起平等起自性故無含藏
平等含藏自性故如所說平等三界自性故明解脫
平等無明有愛自性故涅槃平等諸行自性故舍利
子以如是等諸法平等是故如來現成正覺如來於
大衆中得無所畏以如是法教示衆會令諸衆會咸
生歡喜身得喜故心極信順復令衆會適悅快樂如
來大悲相應具真實故平等性故如實性故無異性
故無種類性故無所觀性故無生性故無離性故無
所取性故如來所具無畏法中實無少法可取亦非

無取如來無畏法中亦無虛誑如實故平等法界平
等於是平等法中普盡一切世界舒坦無礙如來如
實之法甚深微妙難解難知如來起大悲心卽以是
法起種種方便爲諸衆生廣大宣說聖出離法能盡
諸苦如來以大願力一切衆生無師範者爲作師範
未成正覺者令成正覺所有一切衆生馳流諸境斷
見等者如來以無畏法悉令清淨舍利子如來無所
畏法無邊無際與虛空等若欲知其虛空邊際卽知
如來無畏邊際諸住信菩薩聞是法已應生淨信超
越分別離諸疑惑乃至發希有想此說是名如來第
一無畏復次舍利子二者漏盡無畏謂佛如來具足
無上勝智於大衆中作如是言我盡諸漏得無所畏
而彼一切天人世間無能與佛同法語者此復云何
如來已盡諸漏謂佛如來欲漏已盡心得解脫斷滅
一切貪行種子如來有漏已盡心得解脫斷滅一切
瞋行種子如來無名漏已盡心得解脫斷滅一切癡
行種子如來見漏已盡心得解脫斷滅一切煩惱所
行種子此等是名如來諸漏已盡如是所說皆世俗
所成非勝義諦勝義諦者謂最上聖智慧中若智若
斷若修若證而無少法可住何以故如所說盡彼卽

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

無生無生卽無盡於畢竟盡中無所對治此說名盡如所說盡亦復無有盡法可盡卽是無爲無爲卽無滅無住若說有生如來卽無生法性常住法界常住諸法亦復隨智所行然其所行悉無所行亦非無行亦復無漏法可得雖復如是如來安住大悲心已亦爲衆生廣大宣說斷除諸漏之法如來於大衆中得無所畏以如是法教示衆會令諸衆會咸生歡喜身得喜故心極信順復令衆會適悅快樂如來大悲相應具真實故平等性故如實性故無異性故無種類性故無所觀性故無生性故無離性故無所取性故如來所具無畏法中實無少法可取亦非無取如來無畏法中亦無虛誑如實故平等法界平等於是平等法中普盡一切世界舒坦無礙此如是等不可思議無量無數甚深正法如來悉具足已大悲之心所逼切故爲諸衆生廣大宣說如是之法舍利子如來無所畏法無邊無際與虛空等若欲知其虛空邊際卽知如來無畏邊際諸住信菩薩聞是法已應生淨信超越分別離諸疑惑乃至發希有想此說是名如來第二無所畏法如來由具無所畏故一切天人世間無與如來同其法者復次舍利子三者說障道無

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

畏謂佛如來具足無上勝智於大衆中作如是言我說諸障道法能障聖道乃至一切天人世間無能與佛同法語者云何名爲障道之法有其一法能障聖道何等爲一謂諸衆生心不清淨二法能障聖道謂無慚無愧三法能障聖道謂身惡作語惡作意惡作四法能障聖道其四種法皆墮惡趣謂貪欲當墮惡趣瞋恚當墮惡趣愚癡當墮惡趣怖畏當墮惡趣五法能障聖道謂殺生偷盜邪染妄語飲酒六法能障聖道謂不尊重佛不尊重法不尊重僧不尊重戒學不尊重定學不尊重修頭陀行者七法能障聖道謂

慢過慢過慢我慢邪慢增上慢卑慢入法能障聖道謂邪見邪思惟邪語邪業邪命邪勤邪念邪定九法能障聖道謂於我身作無義利生起害心已作現作當作於我所愛作無義利生起害心已作現作當作於我非愛作無義利生起害心已作現作當作十法能障聖道謂殺生偷盜邪染妄言綺語兩舌惡口貪瞋邪見舍利子如是等法能障聖道乃至不如理作意相應所生結使此法無味是不可觀是不可行由顛倒勤行故不出離生起一切愛見取著於身語意業愛著增熾如來了知諸法能障聖道知已如實

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大乘寶藏疏正法華經卷十三

爲諸衆生廣大宣說障道之法令諸衆生寂止近止
說除斷法普爲教示令諸衆會咸生歡喜身得喜故
心極信順復令衆會適悅快樂如來大悲相應具真
實故平等性故如實性故無異性故無種類性故無
所觀性故無生性故無離性故無所取性故如來所
具無畏法中實無少法可取亦非無取如來無畏法
中亦無虛誑如實故平等法界平等於是平等法中
普盡一切世界舒坦無礙此如是等不可思議無量
無數甚深正法如來悉具足已大悲之心所逼切故
爲諸衆生說斷障道之法普令一切寂止近止舍利

子如來無所畏法無邊無際與虛空等若欲知其虛
空邊際卽知如來無畏邊際諸住信菩薩聞是法已
應生淨信超越分別離諸疑惑乃至發希有想此是
如來第三無所畏法如來由具無所畏故一切天人
世間無與如來同其法者復次舍利子四者盡苦道
無畏謂佛如來具足無上勝智於大衆中作如是言
我說聖出離法能盡苦道乃至一切天人世間無能
與佛同法語者云何名爲聖出離法能盡苦道其有
一法是聖出離道何等爲一謂諸衆生心悉清淨二
法是聖出離道謂奢摩他毗鉢舍那三法是聖出離

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

道謂空無相無願四法是聖出離道謂身念處受念處心念處法念處五法是聖出離道謂信根精進根念根定根慧根六法是聖出離道謂念佛念法念僧念戒念施念天七法是聖出離道謂擇法覺支精進覺支喜覺支輕安覺支捨覺支念覺支定覺支八法是聖出離道謂正見正思惟正語正業正命正精進正念正定九種歡喜根本法是聖出離道謂歡喜適悅輕安快樂等持如實知見寂靜離染解脫十法是聖出離道謂遠離殺生遠離偷盜遠離邪染遠離妄言遠離綺語遠離兩舌遠離惡口遠離貪欲遠離瞋恚能具正見舍利子如是所說諸聖出離法能盡苦道乃至諸善苦提分法戒蘊相應定蘊相應慧蘊相應解脫蘊相應解脫知見蘊相應四聖諦法相應此等所說皆名聖出離道復有聖出離道謂正所行此正所行彼卽無法可行亦非無行無入無出無取無捨何以故若已行若當行二法皆離彼一切法無二亦然此如實知見是聖出離道如來於此聖出離道自了知已爲諸衆生廣大宣說令諸衆會咸生歡喜身得喜故心極信順復令衆會適悅快樂如來大悲相應具真實故平等性故如實性故無異性故無種

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

類性故無所觀性故無生性故無離性故無所取性
故如來所具無畏法中實無少法可取亦非無取如
來無畏法中亦無虛誑如實故平等法界平等於是
平等法中普盡一切世界舒坦無礙此如是等不可
思議無量無數甚深正法如來悉具足已大悲之心
所逼切故爲諸衆生廣大宣說聖出離法令諸衆生
咸悉覺了盡苦邊際舍利子此是如來第四無所畏
法如來由具四無所畏故了知勝處於大衆中作獅
子吼轉妙梵輪餘諸沙門婆羅門悉不能轉乃至一
切世間天人魔梵無與如來同其法者舍利子如來

如是四無所畏無邊無際與虛空等若欲知其虛空
邊際卽知如來無畏邊際諸住信菩薩得聞如來如
是不可思議無畏之法應生淨信超越分別離諸疑惑
後復生起身喜心喜發希有想爾時世尊重明斯
義說伽陀曰

彼一切法皆平等 佛自然智隨覺了

由是現證佛菩提 如來平等普觀視

世間一切異生法 與諸佛法悉平等

有學無學諸法門 及緣覺法亦如是

所有世間一切法 及彼出世勝法門

善惡無動法亦然 與涅槃道皆同等
所有空法無相法 彼無願法亦復然
無生無作諸法中 如來平等同觀照
此平等法了知已 佛爲衆生廣宣說
化衆生歸解脫門 牟尼第一無所畏
解脫世間三種法 爲衆生說解脫門
佛大無畏人中尊 此名第二無畏法
雖知諸佛演正法 何故親近不解脫
心不清淨慚愧無 由斯一二爲障礙
復由身語意三業 不遵戒法而惡作
貪瞋癡怖起四億 彼諸殺害并偷盜
邪染妄言飲酒五 六不尊重七慢生
八種邪法旋復興 四彼九惱處多過失
後起十種不善業 於解脫道爲障礙
深固作意不了知 爲癡暗道所覆蔽
取著虛妄及迷醉 頽倒勤行了知已
乃復親近正法門 此名第三無畏法
清淨法門無限量 近正法故證菩提
唯佛智知寂靜門 知已廣施甘露法
佛最稱讚菩提分 乃至廣多諸善法

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

大乘菩薩藏正法經卷第十三

九

九

習近故爲解脫門

佛十力尊善宣說

深固勤行離諸染

於其善法悉相應

是法非法無著心

寂靜解脫離憂怖

如實了知諸善法

如空寥廓而無礙

無執著法亦復然

彼能出離三有海

三有海中迷著者

十方尊說業所生

佛令解脫悲愍心

四無畏法虛空等

舍利子如是所說如來四無畏法不可思議諸住信
菩薩聞是法已應生淨信超越分別離諸疑惑乃至
發希有想

佛說大乘菩薩藏正法經卷第十三

佛說大乘菩薩藏正法經卷第十四

宋西天三藏朝散大夫試光祿卿傳梵大師
法護等奉詔譯

如來不思議品第四之八

復次舍利子云何名爲如來大悲之心不可思議諸
住信菩薩聞是說已應生淨信超越分別離諸疑惑
乃至發希有想舍利子如來大悲心者所謂不捨一
切衆生常行悲愍爲成熟故隨悲心轉而無不轉是
故當知如來大悲之心無有限量不可思議復無等
比亦無數量不可稱說最爲甚深如其語業不能宣

說何以故隨佛如來所證菩提亦然如是爲諸衆生
起大悲心隨如是菩提卽如是大悲舍利子云何如
來得證菩提如來無根本無所住故乃證菩提云何
名根本復何名住謂有身見爲根本依虛妄分別而
住如來以其菩提平等故平等了知二法亦悉平等
是故說名無住無根本如來由是現成正等菩提而
諸衆生於無住無根本法不能了知如來爲令一切
衆生悉覺了故乃於衆生轉大悲心又舍利子菩提
者寂靜近寂由如是故我成正覺何名寂靜何名近
寂內謂寂靜外謂近寂所以者何謂眼空故我我所

無自性此名寂靜如是耳鼻舌身意空故我我所無
自性此名近寂知眼空已色無所取此名寂靜乃至
知意空已法無所取此名近寂而諸衆生於此菩提
寂靜等法不能了知如來爲令一切衆生悉覺了故
乃於衆生轉大悲心又舍利子菩提者自性明亮由
如是故我成正覺云何名爲自性明亮謂由自性無
所染故與虛空等虛空自性周徧一切以虛空平等
故一切法平等畢竟自性如是明亮此明亮性所應
覺了諸愚夫異生以客塵煩惱之所染故於此自性
明亮法中不能了知如來爲令一切衆生悉覺了故

6 7 8 9 10 1 2 3 4 5 6 7 8 9

20

1 2 3 4 5 6 7 8 9 30 1 2 3 4

經

大乘寶藏經卷第十四

三

奴

乃於衆生轉大悲心又舍利子菩提者無出無入由如是故我成正覺何名無出以無相故無出又無出者一切法無捨故無入者一切法無取故如來於是無出無入法中平等觀照如來無此無彼一切法離彼此故是故如來現成正覺如是無出無入法中而諸衆生不能了知如來爲令一切衆生悉覺了故乃於衆生轉大悲心又舍利子菩提者無相無所緣由如是故我成正覺何名無相何名無所緣謂眼識無所得名爲無相色無所觀名無所緣乃至意識無所得名爲無相法無所觀名無所緣舍利子此無相無得名爲無相法無所觀名無所緣舍利子此無相無

所緣法是諸聖境界何名聖境界謂卽三界是聖境界若諸聖境界彼卽無境界而愚夫異生不能了知如來爲令一切衆生悉覺了故乃於衆生轉大悲心又舍利子菩提者非過去未來現在三世平等三輪清淨由如是故我成正覺何名三輪清淨謂過去心無轉未來識無覺了現在意無動而心意識都無所住過去無分別未來無領納現在無戲論此三平等三輪清淨之法而諸衆生不能了知如來爲令一切衆生悉覺了故乃於衆生轉大悲心又舍利子菩提者是無爲由如是故我成正覺謂非眼識所知乃至

非意識所知此名無爲無爲卽無生無滅無住此說亦名三輪清淨是卽無爲然於有爲之法亦悉了知何以故一切法自性彼卽無性無性卽無二無爲之法亦非身證而諸衆生不能了知如來爲令一切衆生悉覺了故乃於衆生轉大悲心又舍利子菩提者是無差別句由如是故我成正覺何名無差別復何名句謂如所說名句無住名無差別法界名句無種種性名無差別實際名句無動性名無差別空名爲句無所得名無差別無相名句無尋伺名無差別無願名句無分位名無差別無衆生名句無衆生自性名無差別虛空名句無所得名無差別無生名句無滅名無差別無爲名句無所行名無差別菩提名句近寂名無差別涅槃名句無所轉名無差別舍利子此如是等而諸衆生不能了知如來爲令一切衆生悉覺了故乃於衆生轉大悲心又舍利子菩提者非身心可證何以故是身無知無作無轉如草木瓦礫是心如幻如水月陽焰應當覺了身心若然卽是菩提此乃世俗所行亦非菩提有少法可說若身若心若法若非法若真實若不真實若誠若妄悉無言說何以故菩提無言說故彼一切法亦無分位可容言

說猶如虛空了無分位無言說故菩提亦然了無分位亦無言說舍利子若其如實審伺察時彼一切法本無言說法無言說亦非無說此諸法理而諸衆生不能覺知如來爲令一切衆生悉覺了故乃於衆生轉大悲心又舍利子菩提無取亦無含藏何名無取何名無含藏謂知眼故名爲無取色無所觀名無含藏乃至了知意故名爲無取法無所得名無含藏舍利子如來以無所取無含藏故現成正覺又眼無所取色無含藏識無所住乃至意無所取法無含藏識無所住彼無住識於彼一切衆生心住此云何知謂

有四種法於一切衆生心住何等爲四謂色中住受想行中一切衆生心住如是四法衆生心住然其所住亦卽無住如來了知如是無住之法真實之際而諸衆生不能覺了如來爲令一切衆生悉覺了故乃於衆生轉大悲心又舍利子菩提是空增語以其空故菩提亦空如來以其諸法空故現成正覺亦非空故有所證若空若菩提同一理智而無有二以空及菩提本無二故卽無種類之法以其諸法無二無種類故卽無名無相無行畢竟無行無集法中此說名空是中悉離執見取著而於勝義諦中無有少法可

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

得以如是故乃說名空此所說空如虛空故卽此虛空欲說爲空而亦無言可說爲空空亦無言而可說故於是空中若解入者乃一切法假名施設然其名字而在方亦不離方如其假名不在方不離方故由是諸法假名施設一切法亦然而不在方亦不離方如來如實了知本來如是無生無起如實知已自性解脫無縛無解而愚夫異生於如是法不能了知如來爲令一切衆生悉覺了故乃於衆生轉大悲心又舍利子菩提如虛空故而悉平等無高無下菩提亦然等無高下若知諸法畢竟都無亦復無高無下

可說舍利子如來以一切法無高無下故現成正覺雖有所成亦無微塵許法若高若下不可施作如實智知無此彼法何名如實智謂無根本法雖有所生而無攝受亦無主宰以無主宰無攝受故若生不生隨緣所轉然於是中無法可轉亦非無轉如來於法而亦不說斷滅之相如是無斷滅法而諸衆生不能了知如來爲令一切衆生悉覺了故乃於衆生轉大悲心又舍利子菩提是如所說句何名如所說句如其菩提色法亦然而不離真如如其菩提受想行識亦然亦不離真如如其菩提地界水界火界風界空

界亦然亦不離真如如其菩提眼界色界眼識界乃至意界法界意識界亦然亦不離真如由是施設此如是等諸聖法門所謂蘊處界等如來以如實法故現證菩提以無顛倒法故現證菩提如其先說中後亦然先際無生後際無去中際性離如是如所說句中如說一法多法亦然如說多法一法亦然如其所說若一若多都無所得如是如所說句而諸衆生不能了知如來爲令一切衆生悉覺了故乃於衆生轉大悲心又舍利子菩提入相入無相何名爲相何名無相此說相者謂卽所起一切善法無相者卽一切法都無所得又相者謂心無所住分位無相者卽無相三摩地法又相者卽思惟稱量等數伺察無相者卽出過稱量云何出過稱量謂識業無故又相者謂有爲伺察無相者卽無爲作證此相無相法愚夫異生不能解入亦復不知如來爲令一切衆生悉覺了故乃於衆生轉大悲心又舍利子菩提無漏無取何名無漏何名無取此說無漏者謂離四種漏法一離欲漏二離有漏三離無明漏四離見漏無取者謂離四取一離欲取二離我語取三離見取四離戒禁取如是四取一切皆由無明覆蔽愛水滋潤我見執取

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

蘊處界法如來了知彼我語取爲根本故得我清淨
 已一切衆生亦悉清淨若其清淨卽無少法而可分
 別若無分別卽能深固作意若深固作意相應卽無
 明不能起發由其無明不起發故卽十二有支亦復
 不起彼卽無生彼卽決定若其決定卽調伏義是卽
 勝義勝義諦中卽無補特伽羅義若無補特伽羅義
 卽是不可說義若不可說義卽緣生義若緣生義卽
 正法義若正法義卽如來義由如是故當觀諸法皆
 從緣生若能見法卽見如來如其所見若如實伺察
 卽無少法可見若無法可見卽見無相及無所緣若
 如是見卽真實見如來由此法故現成正覺平等故
 平等如是無漏無取之法愚夫異生不能了知如來
 爲令一切衆生悉覺了故乃於衆生轉大悲心又舍
 利子菩提清淨無垢無著何名清淨何名無垢何名
 無著謂空是清淨無相是無垢無願是無著無生是
 清淨無作是無垢無起是無著自性是清淨圓淨是
 無垢明亮是無著無戲論是清淨離戲論是無垢戲
 論近寂是無著真如是清淨法界是無垢實際是無
 著虛空是清淨寥廓是無垢廣大是無著知內是清
 淨外無所行是無垢內外無所得是無著知蘊是清

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

淨界自性是無垢處離諸業是無著過去盡智是清淨未來無生智是無垢現在法界安住智是無著舍利子此清淨無垢無著有其一法而能普攝謂寂靜句若寂靜卽偏寂若偏寂卽近寂若近寂卽無寂此是牟尼聖尊所說又舍利子如虛空故菩提亦然如菩提故諸法亦然如諸法故衆生亦然刹土亦然涅槃亦然此卽名爲涅槃平等是一切法畢竟邊際清淨正因無所對治離對治因本來清淨本來無垢本來無著如來了知彼一切法若色無色本如是故現成正覺觀諸衆生界清淨無垢無著故卽起遊戲神

通乃於衆生轉大悲心舍利子當知如來大悲之心清淨無垢無著於諸衆生常所運行然無發悟無所生起無所觀矚普盡十方一切世界舒坦無礙舍利子如來大悲無邊無際與虛空等若欲知其虛空邊際卽知如來大悲邊際諸住信菩薩得聞如來不可思議大悲心已應生淨信超越分別離諸疑惑乃至發希有想爾時世尊重明斯義說伽陀曰

以無根本無住法

現證菩提佛所宣

如所覺了亦復然

爲諸衆生廣宣說

知內眼根名爲空

知外色法空亦然

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

卷一

文

寂靜近寂妙法門

佛證菩提如是說

彼諸衆生不覺了

毗鉢舍那奢摩陀

開覺句義爲衆生

佛大悲心方便轉

諸法自性本明亮

菩提清淨等虛空

爲彼衆生不了知

佛大悲心方便轉

一切衆生多執取

不能如理而相應

無入無出妙法門

佛證菩提如是說

爲諸衆生不了故

如來乃起大悲心

諸法無相無所緣

此是諸聖之境界

諸愚夫爲非境界

佛證菩提方便宣

而諸異生不了知

爲開覺故由斯說

如來爲諸衆生故

隨應所起大悲心

無爲自性妙法門

本來不生亦不滅

當知彼法無所住

是中三種相應相

而諸愚夫不了知

諸法有爲自性故

隨應所起大悲心

爲令了知此理法

菩提非身所覺知

非心覺故亦如是

身本自性無知覺

心如幻法亦復然

而彼愚夫不了知

如是身心自性故

隨應所起大悲心

爲令了知此理法

6 6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

佛證最上勝菩提	自然智尊坐道樹
坐已普觀衆生界	旋轉種種惡趣中
佛見極生哀愍心	生死輪中大悲轉
橋慢等法所迷著	見網纏覆苦計樂
無常不淨我衆生	此等顛倒而計執
佛見極生哀愍故	於取著中大悲轉
癡蓋徧覆三有中	暗冥悉無光明照
如日光明雲所覆	無垢智光悉隱蔽
佛見極生哀愍心	生死輪中大悲轉
食愛故生諸惡趣	破壞正道而極壞
地獄傍生餓鬼中	衆生業故皆墮落
如先佛說諸正道	開明顯示爲衆生
佛見極生哀愍心	生死輪中大悲轉
了知諸法如實性	廓然明照等虛空
如佛所說諸世間	不知最上清淨法
舍利子如是所說是爲如來不可思議大悲之法諸 住信菩薩聞是法已應生淨信超越分別離諸疑惑 後復生起身喜心喜發希有想	

佛說大乘菩薩藏正法經卷第十四

丹陽居士賀懋記懋照懋笑懋畫懋輝仰承
先嚴賀學禮遺願施貲刻此
傳說大乘菩薩藏正法經卷第十四 計字七
千三百九十四箇該銀三兩八錢五分
江陰釋在琳對上元陶邦本書詳一刻
舊潛己未歲夏六月徑山化城寺識

佛說大乘菩薩藏正法經卷第十五

第十六 同卷

宋西天三藏朝散大夫試光祿卿傳梵大師
法護等奉詔譯

如來不思議品第四之九

復次舍利子如來所有十八不共佛法諸住信菩薩
聞是說已應生淨信超越分別離諸疑惑乃至發希
有想而是十八種法如來以具足故了知勝處於大
衆中作師子吼轉妙梵輪餘諸沙門婆羅門悉不能
轉所有一切世間天人魔梵無與如來同其法者云
何名爲如來十八種法一者如來三業無諸過失所

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

謂身無過失故若智若愚無與如來同法語者何以
故佛世尊者身業清淨無諸過失如來身相端直諸
威儀道進止可觀若向若背若屈若伸都無缺失被
僧伽黎執持應器而僧伽黎衣離地四指毗藍婆風
不能吹鼓舉足下足行住坐卧威儀如法於城邑聚
落若入若出下足按地而不損觸千輻輪相於虛空
中雨衆蓮華及諸妙香又復如來足按地時傍生趣
中諸衆生類於七夜中悉得快樂命終之後得生天
界佛身光明普遍照耀下至阿鼻地獄彼諸衆生蒙
光照觸皆獲樂受此名如來身無過失又復如來語

無過失此語無過失者若智若愚無與如來同法語
者何以故舍利子如來所出語言悉知時故是如實
語誠諦語平等語如說能行語無衆雜語令諸衆生
歡喜語無重復語善文善義妙莊嚴語以一語言音
聲隨諸衆生種種意樂咸生歡喜語此名如來語無
過失又復如來心無過失此心無過失者若智若愚
無與如來同法語者何以故舍利子如來雖常住等
引心而不捨離一切佛事常所施作心無所觀於一
切法無礙知見而常運轉此名如來心無過失即以
如是心無過失之法爲諸衆生亦然宣說普令斷除

諸心過失此等是名如來第一不共佛法舍利子如來心無愛著所有一切魔及魔衆并餘邪異外道於佛如來伺不得便何以故如來若順若逆若尊重若損害皆已離故一切衆生若起尊重心亦不高若不尊重心亦不恚如來諸所作事已作見作悉無流散不起愛著亦復不與世間相違以如來心無愛著故修無諍行如來無我無執無取離諸結縛是故如來無所愛著以其無故爲諸衆生亦然宣說斷愛著法此是如來第二不共佛法復次舍利子如來無失念若有失念即有癡暗以其如來無癡暗故即於禪定

解脫等待至悉無障礙所有一切衆生心行動轉普觀察已即爲如應宣說法要由無忘失故於諸法義樂說辯才及無礙解皆無忘失如來於過去未來現在具無礙智見故自解了已即爲衆生廣大宣說過去未來現在無礙智見無忘失法此是如來第三不共佛法復次舍利子如來常住三摩呬多若行若住若坐若卧若食食已或復默然心無所得如來已得甚深三摩地法及最上波羅蜜多能觀所觀悉無障礙所有一切衆生及衆生聚中悉不能觀如來之心唯除如來加持力故如來常住三摩呬多心已即

爲衆生如應宣說三摩地中清淨捨法此是如來第四不共佛法復次舍利子如來無種種想不於種種想刹土如虛空無有盡故於衆生中無種種想衆生自性無種種故於諸佛中無種種想法界無差別平等智故於諸法中無種種想離食法故如來於衆生中見具戒者不起敬心見毀戒者不起慢心不饒益者現起饒益無不饒益普饒益故不調伏者平等調伏邪定聚者亦不輕慢如來於一切法中起平等行此名如來無種種想即以此法爲諸衆生宣說斷除種種之想此是如來第五不共佛法復次舍利子如來於諸捨法無不決擇何以故如來於修道者而行捨法非修道者亦不棄捨於修心者而行捨法非修心者亦不棄捨於修戒者而行捨法非修戒者亦不棄捨於修慧者而行捨法非修慧者亦不棄捨於智行捨不棄愚癡捨出世間不棄世間於聖出離者而行捨法非聖出離者亦不棄捨如來轉妙梵輪而行捨法於諸衆生亦不捨離大悲之心如來自所證成平等捨法不假對治而能隨順舍利子又復如來於捨法中無高無下亦無所住已得不動離於二法

無出無入依時而捨不越於時無動搖無別異無分別無所觀無和合無表示無實無虛無誠無妄亦無領納如是如來捨法具足即以是法爲諸衆生廣大宣說八。捨法圓滿此是如來第六不共佛法復次舍利子如來於欲無減何名爲欲謂善法欲復何名無減謂即如來大慈心欲無減大悲心欲無減說法欲無減化度衆生欲無減成熟衆生欲無減伺察欲無減教示菩薩欲無減令三寶種不斷欲無減如來所欲所向智爲先導如是等如來所欲皆爲令彼一切衆生圓滿無上一切智果如其所應宣說法要此是

如來第七不共佛法復次舍利子如來精進無減以其如來精進力故普爲化度一切衆生不捨精進令聽法者不生疲倦如來於聽法者亦無所得觀其法器如來隨應爲說法要不生疲懈亦無中止當說法時不念飲食於其中間不捨衆生如來過度殑伽沙數等諸佛刹其中若有一衆生未化度者如來身語心業悉無疲倦三業輕安發起精進如理勤行令諸衆生得聖解脫是爲如來爲諸衆生大精進力此是如來第八不共佛法復次舍利子如來於一切處一切種諸念無減如來正念悉無忘失何以故諸佛如

6 7 8 9 10 11 2 3 4 5 6 7 8 9 20 21 2 3 4 5 6 7 8 9 30

來相續現證阿耨多羅三藐三菩提果所有一切衆生過去未來現在諸心如來悉能住持觀察如來於諸念中畢竟不復有所忘失隨諸衆生一切心行而悉了知如來不復思想觀視正念無滅住三聚法了衆生根解入衆生一切意樂觀衆生行如來亦無思惟伺察說法無斷所以者何隨其如來念無滅故念即寂靜悉無忘失即以是法爲諸衆生廣大宣說此是如來第九不共佛法復次舍利子如來等持無滅所有如來等持之法即是一切法平等如其所說諸法平等何名如來等持無滅謂若真如平等即等持

平等若等持平等即諸如來平等若入是平等法門此即說名三摩四多若貪際平等即離貪際平等若瞋際平等即離瞋際平等若癡際平等即離癡際平等若有爲際平等即無爲際平等若生死際平等即涅槃際平等若入是平等法門即名如來等持無滅何以故由等持無滅故即畢竟無滅又復如來等持之法非眼相應非耳鼻舌身意相應如來於其諸根無所缺壞不依止地界亦不依止水火風界不依止欲界色界無色界不依止此界他界以無依止故即無所減是爲畢竟無滅以其如來等持無滅故即以

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

此法爲諸衆生廣大宣說普令衆生獲得如來等持法門此是如來第十不共佛法復次舍利子如來無減如來勝慧云何能知謂一切法不隨他信智無衆生壽者補特伽羅於法有所得智無盡無礙解善巧之智分別句義智於一句中八百千劫加持宣說智隨諸所問各各宣說斷疑惑智於一切處無障礙智建立三乘善宣說智八萬四千心行悉了知智八萬四千法蘊隨應說智如是如來最上勝慧無邊無際說不能盡如其如來勝慧無減即爲衆生廣大宣說慧無盡法此是如來第十一不共佛法復次舍利

子如來解脫無減何名如來解脫無減所謂隨應悉令解脫諸聲聞衆聞聲解脫諸緣覺衆覺悟緣生而得解脫諸佛世尊離諸障礙二取解脫此說解脫者先際諸佛已往後際諸佛未至現在諸佛不住由是眼色二取解脫耳聲鼻香舌味身觸二取解脫無取無著無依止解脫心自性明亮故智亦復然此說名爲一心相中相應勝慧如來由是現證阿耨多羅三藐三菩提果如其所證即以此法爲諸衆生廣大宣說此是如來第十二不共佛法復次舍利子如來一切身業智爲先導隨智所行以其如來身業具足故

6 7 8 9 10 1 2 3 4 5 6 7 8 9 20 1 2 3 4

卷八

妙法蓮華經卷八

八

妙法蓮華經卷八

1 2 3 4 5 6 7 8 9 30 1 2 3 4

一切衆生見佛身者悉得調伏聞佛說法者悉得調伏觀佛默然者悉得調伏覩佛受食者悉得調伏見佛威儀者悉得調伏瞻佛衆相者悉得調伏觀佛妙好者悉得調伏瞻佛不可見頂相及放光者悉得調伏見佛舉足下足於城邑聚落若入若出者悉得調伏諸佛如來於四威儀道中而無不爲衆生作調伏事此名如來身業智爲先導隨智慧行此是如來第十三不共佛法復次舍利子如來一切語業智爲先導隨智慧行何以故諸佛世尊不說虛假之法說無斷法善樂說法如來諸有語言未知者令知無高無

下無紓煩語無屈曲語無麤澁語無惡戾語無戻嶮語善柔軟語無哀朽語無輕動語無嬈惱語無迅速語無遲緩語善分明語善演說語善了知語妙說相妙音聲無破缺無過失極甘美廣大殊妙無塵離塵無垢無暗顯煥無礙和合明亮神通無劣音響不破能生妙樂身得歡喜心極信順息除貪愛悉除瞋恚悉除愚癡降伏惡魔制諸罪業息邪異語止不了語如擊鼓音聲如迦陵頻伽聲如帝釋聲如梵王聲如海潮聲如雲雷聲如地振聲如鴈王聲如孔雀王遊戲聲如拘枳羅聲如命鳥聲如鹿王聲如箜篌聲

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

分明解了聲悅意樂聞聲甚深清亮無瘖痪聲生妙
樂聲生善根聲文句不斷聲文句樂說聲義句和合
聲法句和合聲知時聲順時聲不越時聲知自他根
善演說聲布施莊嚴聲持戒清淨聲忍辱柔和聲精
進勇悍聲禪定妙樂聲智慧畢竟聲大慈和合聲大
悲無倦聲大喜明亮聲大捨究竟聲建立三乘聲令
三寶種不斷聲安立三聚分位聲三解脫門清淨聲
觀四諦聲觀察智聲不毀智者聲諸聖稱讚聲知虛
空無量聲諸相具足聲舍利子此如是等是名如來
一切語業智爲先導隨智慧行此是如來第十四不

共佛法復次舍利子如來意業智爲先導隨智慧行
何以故如來心法而不可說如來意法識法不可以
智慧辯才而能測度如來智慧隨知一切衆生心隨
入一切衆生意通達一切衆生智諸法決定諸等持
法亦無他信超越所緣離諸緣生息除三有及諸惡
趣越諸魔法諸魔異解脫諸詭幻法而悉遠離捨我
我所去除無明癡暗覆蔽修八正道離諸疑惑與虛
空等法界平等而無差別舍利子如是等法是爲如
來所有意業智爲先導隨智慧行此是如來第十五
不共佛法

佛說大乘菩薩藏正法經卷第十五

佛說大乘菩薩藏正法經卷第十六

宋三藏朝散大夫試光祿卿光梵大師惟淨等奉詔譯

如來不思議品第四之十

復次舍利子如來於過去世中以無著無礙智見隨轉所轉云何舍利子謂過去世諸佛刹中若成若壞彼一切事如來以筭數方便而悉能知又佛刹中所有一切藥草樹林而悉能知又佛刹中所有一切衆生衆類衆生施設而悉能知又佛刹中所有一切衆生種種性行種種色相周徧廣大而悉能知又佛刹

6 7 8 9 10 1 2 3 4 5 6 7 8 9 20

經
大乘普門法華經卷第十六

增補

妙川

中諸佛出世作諸化事乃至一一廣爲衆生宣說正法或有衆生以聲聞法得化度者或有衆生以緣覺法得化度者或有衆生以大乘法得化度者乃至佛刹廣大諸苾芻衆廣大壽量廣大正法住世廣大久近衆生飲食受用等事乃至衆生出息入息如是所有一切衆生過去世中一切諸相若生若滅諸趣受生種種根性種種意樂佛悉能知如來以無著心任持了知彼一切法諸心無邊諸心所起如來以算數方便皆悉能知如來以現量智如實觀察過去世中諸衆生心如是如來最上勝智曾無間斷爲諸衆生

如應說法舍利子此是如來第十六不共佛法復次舍利子如來於未來世中以無著無礙智見隨轉所轉云何爲未來世中諸佛如來當出於世佛悉能知乃至未來劫火洞然大水漂溺猛風吹鼓或有諸佛刹土安然不動至于諸佛刹中一切地界碎若微塵及彼一切藥草樹林至于一切星宿相狀至于周徧諸佛刹中諸佛出世緣覺出世聲聞出世菩薩成證至于衆生出息入息飲食受用等事若行若住乃至一切衆生周徧廣大一一衆生各趣解脫或聲聞乘或緣覺乘或復大乘得解脫者而彼一切如來悉知

1 2 3 4 5 6 7 8 9 30

又復諸佛刹中周徧一切一一衆生諸所生處及心
心所諸所生起而彼一切如來悉知雖如是知亦非
如來未來世中於諸衆生有所任持但於未來世中
如應觀察爲諸衆生宣說正法舍利子此是如來第
十七不共佛法復次舍利子如來於現在世中以無
著無礙智見隨轉所轉云何所謂現在十方一切諸
佛刹土如來以三種筭數方便而悉能知所有現在
一切諸佛一切菩薩一切緣覺一切聲聞如來悉知
至于現在一切星宿相狀亦復徧知及彼現在一切
藥草樹林亦悉了知至于十方一切地界碎若微塵

以筭數方便而悉能知又復十方一切水界如毛端
量水滴上滿又復十方一切火界迅速起滅又復十
方一切風界百種相狀周徧吹擊以筭數方便而悉
能知又復十方一切空界假使聚如毛端之量以筭
數方便亦悉能知又復現在三種衆生界而悉能知
又復現在所有一切地獄衆生界趣彼所生因及所
起因而悉能知又復現在所有一切畜生界趣彼所
生因及所起因而悉能知又復現在所有一切餓鬼
界趣彼所生因及所起因而悉能知又復現在一切
人趣彼所生因及所滅因而悉能知又復現在諸天

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

界趣彼所生因及所滅因而悉能知又復現在一切衆生及衆生心所應任持若有煩惱若離煩惱而悉能知又復現在一切衆生隨其根性所應化度不應化度如來悉知然佛如來亦無二種隨流識轉如來以其入無二理最上法門爲諸衆生說舍利子此是如來第十八不共佛法復次舍利子如是十八不共佛法如來以具足故周徧十方一切世界於大衆中光明顯照圓具一切威光名稱最上吉祥希有之法又舍利子如來十八不共佛法猶若虛空無有邊際若能知其虛空邊際卽知如來不共佛法所有邊際

是故諸菩薩摩訶薩得聞如來如是十八不共佛法聞已淨信超越分別離諸疑惑後復生起身喜心喜發希有想爾時世尊欲重明斯義說伽陀曰

調伏聖者無過失 身語意業悉無動
如應說法利衆生 此是勝尊不共法
佛心無高亦無下 一切違順皆止息
修無諍行解脫心 此是勝尊不共法
佛調伏尊無失念 解脫行法悉了心
四無礙解已圓明 此是勝尊不共法
如來行住及坐卧 一切皆住等引心

無衆生想無亂心 此是勝尊不共法
善逝已無種種想 諸佛刹土及衆生
起平等行大名稱 此是勝尊不共法
佛心無不決擇捨 決定正道善觀察
分別離分別都無 此是勝尊不共法
能仁不減善法欲 慈方便門常所行
調伏無量諸羣生 此是勝尊不共法
精進曾無少減缺 調伏諸見廣無邊
善調身語意亦然 此是勝尊不共法
如來不減於正念 覺了菩提詣道場

於法覺了無覺心 此是勝尊不共法
佛無分別離分別 平等安住等持心
諸法決定無所依 此是勝尊不共法
佛慧刹那悉決了 諸衆生行而悉知
隨其意樂闡法門 此是勝尊不共法
隨聲悟解曰聲聞 想緣生法名緣覺
離著無垢等虛空 此大捨心不思議
宿昔安住無覺心 自性解脫心任持
彼解脫法隨應宣 此是勝尊不共法
現威儀道衆所瞻 直身端視入城邑

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

大藏書卷之六

一四

如

相好莊嚴衆威光

衆生覩者自調伏

衆生覩佛真實光

多俱胝衆獲妙樂

蒙光照觸調伏生

此是勝尊不共法

佛以一音演說法

隨衆生意悉能開

如聲對響理相應

此是勝尊不共法

善逝心業本無有

智所作業心不忘

聖智隨入衆生心

此是勝尊不共法

禪定等持善相應

一切戲論無所行

平等行法等虛空

此是勝尊不共法

如來悉知過去世

轉一切法無障礙

解脫智了諸趣中

此是勝尊不共法

所有世間未來法

當有所得或無得

衆生刹土及如來

佛悉了知無懈倦

佛心曾無諸散亂

未來世中隨觀察

衆生及法知亦然

此是勝尊不共法

現在世中諸所轉

如來悉知無所著

佛調御者等虛空

此是勝尊不共法

如來所有不共法

而十八種不思議

如實開明若虛空

菩薩應當生淨信

舍利子如來以具足如是十八不共佛法故如來應

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

供正等正覺了知勝處於大眾中作師子吼轉妙梵輪餘諸沙門婆羅門天人魔梵悉不能轉無與如來同其法者舍利子諸住信菩薩得聞如來如是不思議法聞已當生清淨信樂超越分別離諸疑惑後復生起身喜心喜發希有想

慈悲喜捨品第五之一

復次舍利子彼住信菩薩諸佛世尊審知其器堪可任持菩薩藏正法之器是諸佛法器如是知已卽詣其所隨應爲說菩提道法舍利子以是緣故當知住信菩薩是大法器舍利子我念過去世阿僧祇劫前

復過無量不思議阿僧祇劫數爾時有佛出現世間其名大蘊如來應供正等正覺明行足善逝世間解無上士調御丈夫天人師佛世尊彼佛於其世間天人阿修羅沙門婆羅門等諸大眾中以自通力圓證聖果爲諸大衆宣說正法初善中善後善文義深遠純一無雜圓滿清白梵行之相舍利子彼大蘊如來應供正等正覺諸衆會中有七十二那庾多聲聞大衆皆是阿羅漢諸漏已盡無復煩惱心得自在到於彼岸彼時有國名最勝幢有大國王名最勝壽正法治化國土廣大安隱豐樂人民熾盛其王有子名精

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

大智度論正法記卷第一

七

如

進行色相端嚴人所樂觀宿種善根已曾親近過去
百千那庾多俱胝諸佛如來恭敬供養是時太子與
自官屬止一殊妙大園苑中爾時大蘊如來應供正
等正覺知其精進行太子是佛法器堪可任持菩薩
藏正法之器如是知已卽詣園苑到已爾時處於空
中爲精進行太子說菩提道法彼佛告言太子此中
何名爲菩提道謂於一切衆生起慈波羅密多隨轉
攝法此卽名爲菩提道復何名爲一切衆生慈波羅
密多太子所謂菩薩於衆生界行廣大慈彼衆生界
如虛空界譬如虛空寥廓廣大菩薩慈心亦復如是

於衆生界及衆生聚中無不廣大慈心周徧太子當
知如衆生界無有限量菩薩慈觀亦復無量又如虛
空無邊際故而衆生界亦無邊際以其衆生無邊際
故慈心亦復無其邊際太子當知彼衆生界其數廣
多非同地界水火風界今說譬喻以明斯義顯衆生
界廣多無量太子譬如東方宛伽沙數等諸世界南
西北方四維上下周徧十方宛伽沙數等諸世界而
彼一切同一大海大水充滿同一源流以彼如是十
方一切宛伽沙等諸世界中諸衆生聚破爲百分乃
至如彼一毛端量舉一水滴復次如前以其宛伽沙

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經卷第十一

十一

如

等衆生數量爲半百分乃至如彼一毛端量舉一水滴次復如前以其宛伽沙等衆生數量復破半百乃至如彼一毛端量太子如前所說彼大水蘊以其算數方便不能比等衆生界數無量無邊而衆生界無量無邊故菩薩慈心亦復如是太子於汝意云何所有菩薩慈觀善根汝可知其量不太子白言不也世尊不也善逝佛言太子菩薩摩訶薩慈觀善根無量無邊亦復如是復次太子菩薩慈心能自隨護作他利益以慈心故於他無瞋亦無懈倦離諸忿恚息諸過失不見違順表示清淨滅諸垢穢於身語心常生

妙樂蠲除襍染息諸怖畏善護恚惡起清淨意滅諸鬪戰不執刀杖向解脫門離諸損害所有一切詭曲心意雜亂詞句虛假語言皆悉遠離順善財利資養身命帝釋梵王常所恭敬威德莊嚴智者稱讚護諸愚者護持梵行不著欲界解脫道等一切出生而善攝受非所愛樂諸有福行亦不積集一切勝上諸有福行而常增長三十二相八十種好以爲莊嚴一切下劣殘缺諸根亦悉遣除順向善趣涅槃正道一切惡趣刹那止息一切法愛而自喜樂諸欲受用大富王位增上適悅悉無愛著於諸衆生起平等心而行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大乘菩薩藏正法經卷第十六
如來
布施離諸異想一切戒學順向修習諸毀戒者善爲作護現忍辱力遠離惡魔嬌慢等事發勤精進出離正行於禪定解脫等持等至根本煩惱以決定心而求出離勝慧淨因出生一切慈聞總持自分他分悉無違害悉除一切魔煩惱分行住坐卧增長一切如樂和合除蕩一切不善自性及諸作意慚愧妙香而常塗飾消滅一切惡趣障難及煩惱等常起慈心救護世間以大慈心棄捨己樂隨與他樂復次太子諸聲聞人所起慈心但唯自利菩薩慈心而常利益一切衆生又復當知初發心菩薩行衆生緣慈修行位

菩薩行法緣慈得忍菩薩行無緣慈太子如是所說皆是菩薩摩訶薩行大慈心若諸菩薩住慈心者卽能爲諸衆生行廣大慈

佛說大乘菩薩藏正法經卷第十六

音釋

四虛器

切

滌

色入切

不滑也

巘

巘虛宜切

儼

儼虛檢切

急也

襍

與雜同

鬪

爭也

丹陽居士賀懋懋照懋熒懋燭懋輝仰承

先嚴賀學禮遺願施資刻此

佛說大乘菩薩藏正法經卷第八

計字七十

一百十六個該銀三兩六錢九分八厘江陰釋在琳對上元陶邦本書旌德劉邦承刻萬曆己未歲夏六月徑山化城寺識

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

大乘菩薩藏正法經卷第十七

佛說大乘菩薩藏正法經卷第十七第十八
同卷

宋三藏朝散大夫試光祿卿光梵大師惟淨等奉詔譯

慈悲喜捨品第五之二

復次大蘊如來告精進行太子言云何名爲菩薩大悲之心所謂菩薩求彼阿耨多羅三藐三菩提時以大悲心而爲先導譬如士夫所有命根以出入息而爲先導積集大乘菩薩以大悲心爲其先導亦復如是又如轉輪聖王以其輪寶而爲先導卽能獲得諸寶圓具菩薩大悲爲先導故卽能獲得一切佛法是

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

故當知菩薩大悲於一切衆生而不棄捨復次太子
云何是菩薩於諸衆生轉大悲心所謂菩薩觀見世
間一切衆生堅固執著諸有身見彼所隨逐乃生諸
見而爲纏縛菩薩爲說斷除執著之法是爲菩薩於
諸衆生轉大悲心又復菩薩觀見世間一切衆生住
顛倒處以無常法計爲常想苦爲樂想無我我想不
淨淨想菩薩爲說斷除顛倒之法是爲菩薩於諸衆
生轉大悲心又復菩薩觀見世間一切衆生顛倒取
著諸染欲事於所生母及諸姊妹起貪染心菩薩作
是思惟恠哉世間罪業衆生愛著欲境非聖所行邪

行充滿原其所生居母胎藏次由母產云何于今反
生欲意姊妹同體出一母胎豈以染緣共期和合壞
極破壞最極破壞恣貪瞋癡破毀身心無智所壞摧
滅正法建立非法行險難法趣入地獄餓鬼畜生境
界譬如狐羣於其夜分入糞屍林中起恚惡相伺其
所食世間顛倒染著衆生亦復如是又如世間生盲
之人不能瞻視諸有色相墮險惡處染著衆生亦復
如是又如猪羣食其殘棄不淨之物染著衆生亦復
如是以顛倒染緣爲染汙所壞入魔境界魔索繫縛
欲泥陷沒菩薩爲說斷除染愛之法是爲菩薩於諸

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

衆生轉大悲心又復菩薩觀見世間一切衆生爲五
蓋所覆欲箭所射處處愛著眼見色已著所愛境耳
聞其聲鼻覲其香舌了其味身覺其觸隨諸所愛而
生取著苦哉衆生違害處多親附惡友互求財利與
彼惡友同其知解得無義利互爲損惱多諸惛沈睡
眠惡法懈倦迷悶無智隨逐起諸惡作此等衆生爲
客塵煩惱染汙其心起諸疑惑此等衆生不能決定
獲得最上甚深佛法菩薩爲說斷除蓋障等法是爲
菩薩於諸衆生轉大悲心又復菩薩觀見世間一切
衆生起諸慢心謂慢過慢過慢我慢增上慢甲慢

那慢如是七慢一者於劣計勝二者於勝計等三者
於勝計勝四者恃所執我五者計已多德於增上功
德法而起慢心六者計已少分劣他七者謂已有德
以慢心故所應稱讚而不稱讚所應禮奉而不禮奉
不敬者宿於師尊所不能聽受於智者所不能請問
何者是善何者不善何者所應親近何者不應親近
何者應作何者不應作何者有罪何者無罪何者是
正道何者是三摩地何者是解脫如是等法不能請
問菩薩爲說斷除一切魔障之法是爲菩薩於諸衆
生轉大悲心又復菩薩觀見世間一切衆生愛繩所

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

縛所謂愛樂男女妻妾財利等事以愛著故是卽愛樂生死險難三塗惡趣三有纏縛拘束身心不得自在以不自在故造諸罪業菩薩爲令彼悉趣向涅槃聖道宣說正法是爲菩薩於諸衆生轉大悲心又復菩薩觀見世間一切衆生離善知識近惡知識以近惡故染著十種不善之法謂殺生偷盜邪染妄言綺語兩舌惡口貪欲瞋恚邪見菩薩欲令一切衆聖爲善知識之所攝受息除一切不善之業積集清淨十善業道宣說正法是爲菩薩於諸衆生轉大悲心又復菩薩觀見世間一切衆生癡所覆障無明黑暗而

常隨逐執著我人衆生壽者補特伽羅作者受者我所等菩薩爲令如是一切衆生慧眼清淨諸見斷滅宣說正法是爲菩薩於諸衆生轉大悲心又復菩薩觀見世間一切衆生沈沒生死不能解脫五蘊殺者常所殺害菩薩爲令解脫五蘊超越輪廻曠野險難出離三界宣說正法是爲菩薩於諸衆生轉大悲心又復菩薩觀見世間一切衆生作諸不善如棘刺樹雖生無成造不善業亦復如是此世他世五趣輪迴不能順向涅槃聖道菩薩爲其開涅槃門使令趣入宣說正法是爲菩薩於諸衆生轉大悲心復次太

子菩薩如是觀察世間諸衆生故以十種相轉大悲心何等爲十一者無詭詎心轉虛空出離故二者深固心轉能善出離故三者無虛假神通轉正道出離故四者無居曲心轉止諸曲心善出離故五者真實心轉於一切衆生悉無高下平等出離故六者隨護他轉自心清淨善出離故七者堅固慧心轉離動靜心而常安住善出離故八者棄捨已樂轉無愛著出離故九者隨授他樂轉利他出離故十者荷負衆生轉重擔轉堅固精進善出離故菩薩摩訶薩以如是等十種勝相於諸衆生轉大悲心又復菩薩或有衆生應以大乘法得出離者卽起悲心而爲出離此說是爲菩薩大悲又復衆生應修布施淨戒安忍精進靜慮勝慧法者卽起悲心隨應出離此說是爲菩薩大悲又復衆生應修念處正勤神足根力覺道歡喜根本最勝事業及次第諸定乃至十善業道廣大章句隨應爲轉從悲心起佛自然智而爲飲食資養慧命此說是爲菩薩大悲又復菩薩自諸所行極善所作起大悲心隨諸衆生應何所作悉能圓滿衆生意樂此說是爲菩薩大悲若諸菩薩摩訶薩具足如是大悲心者卽能觀察衆生悉令獲得如是等法此乃

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

菩薩思惟愍念起大悲心復次太子云何是爲菩薩
喜心所謂菩薩於諸善法隨所思念適悅歡喜聞諸
善法不驚不懼不生懈倦蠲除一切別異心意安然
愛樂一切法樂心喜身順自心清淨歡喜意生覩如
來身相好莊嚴勤求愛樂增上適悅聽法無倦依法
修行歡喜愛樂諸來惡語歡喜忍受隨所生起諸歡
喜法於一切衆生起無礙心廣爲宣說令生勝解無
祕惜心攝伏慳吝隨所求者歡喜而施而常熙怡攝
護毀戒尊敬持戒常生清淨自所修行得清淨已超
越一切惡趣怖畏歡喜安慰一爲衆生諸來惡語起
觸燒者歡喜忍受施諸眼目及身分時歡喜甘忍心
無間斷常生悅樂起歡喜心尊重師長尊勝已者不
生輕慢而常熙怡含笑先言離諸羣惑詣曲心意雜
亂語言歡喜悉除喜心愛樂諸出離法仰敬師尊如
諸菩薩頂重正法猶護己身尊奉如來如惜其命欽
承師範如其父母愛念一切衆生如所生子遵軌範
師如護眼目敬修行者如護頭頂信受諸波羅蜜多
如固手足重說法師如愛妙寶勤求正法如重良藥
讚奉醫王如水上善太子如是所說是爲菩薩喜心
若住喜心菩薩摩訶薩於一切時常得歡喜勤求正

法曾無懈倦起歡喜心修菩薩行復次太子云何是爲菩薩捨心所謂捨者有其三種何等爲三一煩惱捨二自他隨護捨三時隨時捨云何名煩惱捨謂恭敬不高不恭敬不下得利無領納失利無惱恚見諸持戒及毀戒者平等其心稱讚不喜譏謗不恚毀辱能安譽美無動於諸苦法善能決擇於諸樂法常所伺察隨順不著違害不斷於善惡友住平等心善作惡作亦復無二愛非愛境平等而捨多聞無聞悉無領受善說惡說都無違順安慰過失二俱平等心愛念自他衆生不惜身命於上中下一切衆生平等

照明於美惡相住平等法於真妄中自實清淨太子如是所說菩薩自無種類捨心清淨此說是爲諸煩惱捨云何名爲自他隨護捨所謂菩薩當段取身肉行布施時住於捨心悉無所求身無所作語無所作中亦無動無眼相無色相乃至無意相無法相一切無動此名爲捨惡作無害亦名爲捨善作無動亦名爲捨自他俱忍亦名爲捨諸所饒益及不饒益住平等心亦名爲捨無諸諍訟名最上捨自心決定亦名爲捨伺察自他悉無所害菩薩住等引心而行於捨然菩薩捨不同諸佛世尊所行捨法何以故菩薩摩

訶薩於其捨法現前了知常所修作於諸善法而常勤求知時隨時而行捨故云何名爲時隨時捨所謂菩薩觀見衆生非法器者無聞之者悉住捨心又於衰毀譏苦一切衆生亦住捨心又於聲聞乘法決定超越而捨於布施時行持戒捨於忍辱時行布施持戒忍辱精進捨於精進時行持戒捨於禪定時行布施捨於智慧時行五波羅蜜多悉圓滿捨此說是爲時隨時捨諸所應作及不應作彼一切法悉住平等亦名爲捨諸住捨行菩薩摩訶薩乃至於彼諸善法分悉名爲捨太子如是所說皆名菩薩摩訶薩於一

切衆生起慈悲喜捨之心爾時世尊釋迦牟尼如來告舍利子言彼時大蘊如來爲彼精進行太子說慈悲喜捨法已卽復宣說六波羅蜜多何等爲六所謂布施波羅蜜多持戒波羅蜜多忍辱波羅蜜多精進波羅蜜多禪定波羅蜜多勝慧波羅蜜多如是宣說諸波羅蜜多令彼精進行太子發勤精進如理修行布施波羅蜜多品第六之一

復次佛告舍利子云何名爲施波羅蜜多發勤精進舍利子若於六波羅蜜多勤精進者此說是爲修菩薩行其六波羅蜜多者謂布施波羅蜜多持戒波羅

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

密多忍辱波羅密多精進波羅密多禪定波羅密多
勝慧波羅密多舍利子諸菩薩摩訶薩見彼沙門婆
羅門貧窮孤露來乞丐者隨諸所欲而悉施與或乞
飲食衣服塗香花鬘及棲止處或乞病緣醫藥燈明
音樂妻子奴婢園林臺觀金銀瑠璃碑礎瑪瑙珊瑚
琥珀摩尼真珠及餘妙寶象馬車乘財穀庫藏乃至
四大洲主輪王富樂嬉戲等事至于手足耳鼻眼目
身分血肉骨髓世間所有無不施者復次舍利子有
十種法菩薩若能具足清淨當行布施何等爲十一
者菩薩不求艱難受用施二者菩薩不逼惱衆生施

三者菩薩不驚怖他施四者菩薩無不捨所請施五
者菩薩無現相施六者菩薩於諸衆生無異相施七
者菩薩無損害施八者菩薩無境土差別施九者菩
薩所施衆生而無作意少第十一法
梵本元闕舍利子如是十種
法菩薩若能清淨當行布施復有十法菩薩若能具
足清淨當行布施何等爲十一者菩薩不違業報施
二者菩薩無邪意樂施三者菩薩無不勝解施四者
菩薩無懈倦施五者菩薩無見面施六者菩薩無惱
害施七者菩薩無退屈施八者菩薩無讚譽持戒施
九者菩薩無輕慢毀戒施十者菩薩不求果報施如

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

是十種法菩薩若能清淨當行布施復有十法菩薩
 若能具足清淨當行布施何等爲十一者菩薩無毀
 謗施二者菩薩無違背施三者菩薩無瑕疵施四者
 菩薩無忿怒施五者菩薩無憎嫉施六者菩薩無瞋
 慾施七者菩薩無不恭敬施八者菩薩無不自手施
 九者菩薩隨應止其下劣心施十者菩薩於所生處
 無怖望施如是十種法菩薩若能清淨當行布施復
 有十法菩薩若能具足清淨當行布施何等爲十一
 者菩薩無不堅牢施二者菩薩無邊際施三者菩薩
 無分段施四者菩薩無他信施五者菩薩不著下劣

心施六者菩薩不求色相受用富貴歡喜施七者菩
 薩不求梵王帝釋護世諸天等施八者菩薩不求聲
 聞緣覺地施九者菩薩不毀謗智者施十者菩薩所
 作善利無不迴向一切智施如是十種法菩薩若能
 清淨當行布施

佛說大乘菩薩藏正法經卷第十七

經

大乘菩薩正法經卷第十八

十一

如九

帝釋大乘菩薩正法經卷第十八

龍華雷音本林

佛說大乘菩薩藏正法經卷第十八

宋三藏朝散大夫試光祿卿光梵大師惟淨等奉詔譯

布施波羅密多品第六之二

復次舍利子有十種稱讚之法菩薩若能具足清淨當行布施此稱讚法者謂卽有爲出離故得有爲果菩薩應當如是布施卽得十種稱讚之法何等爲十
一者施食獲得長壽二者施飲息除一切渴愛煩惱
三者施諸乘舉卽能獲得諸利樂事四者施妙衣服
卽起慚愧之心如獲金蓋五者施諸塗香華鬘卽得

6 7 8 9 10 1 2 3 4 5 6 7 8 9 20

10

1 2 3 4

經 十一

十二

如來

戒聞等持妙香塗飾六者施諸妙香末香卽得身支柔軟妙香馥郁七者施諸美味卽得味中上味及能圓具人中妙相八者施依止處卽能當與一切衆生爲舍爲洲爲救爲歸爲所趣向九者施諸病緣醫藥卽得不老不死甘露妙樂圓滿具足十者若施種種資具卽得菩提分法勝妙資具圓滿具足如是十種布施稱讚之法菩薩求菩提時當得一切稱讚攝受復有十種稱讚之法菩薩若能清淨當行布施何等爲十一者若施燈明卽得如來五眼清淨二者若施殊妙歌音卽得天耳清淨三者若施金銀瑠璃砗磲瑪瑙珊瑚琥珀摩尼真珠及餘珍寶卽得如來三十二種大丈夫相四者若施種種妙寶種種妙華卽得如來八十種好五者若施象馬車乘卽得廣多人衆充滿圍繞六者若施殊妙園林卽得禪定解脫等持等至圓滿具足七者若施財穀庫藏卽得諸法寶藏圓滿具足八者若施奴婢及營作人卽得所作自在如佛自然智圓滿具足九者若施妻子眷屬卽得最勝可愛無上正等正覺圓滿具足十者若施四大洲主富樂之位卽得菩薩一切善法成一切智圓滿具足如是十種布施稱讚之法菩薩求菩提時當得一

切稱讚攝受復有十種稱讚之法菩薩若能清淨當行布施何等爲十一者若施五欲妙樂卽得戒定慧解脫解脫知見諸蘊清淨及於一切嬉戲娛樂等事悉得如意二者若施雙足卽得法義足圓具詣菩提場三者若施二手卽得法手常授於他圓滿具足四者若施其耳卽得諸根圓具無所缺壞五者若施其鼻亦得諸根圓具六者若施身諸支分卽得無過失身如佛身清淨七者若施其眼卽得法眼清淨八者若施血肉卽得一切衆生真實身命真實布施善資其命九者若施其髓卽得金剛堅固不壞之身十者

若施上分頭頂菩薩摩訶薩卽得安住三界最勝無上現證一切智智圓滿具足舍利子菩薩摩訶薩求菩提時應如是布施如是等諸相乃能圓滿一切佛法稱讚攝受舍利子智者菩薩以其甚深勝慧不樂世間所樂財物但爲勤求阿耨多羅三藐三菩提求甘露法求大覺智求寂靜涅槃菩薩於其世間一切所樂之物及諸妙樂無不捨者一切皆爲依止阿耨多羅三藐三菩提故舍利子譬如世間耕植之人首欲耘田先依堅木次設衆具牛以導前於本土中作耕耘事營力旣成資養身命彼耕植人以身命存故

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

金銀諸寶亦能成辦至於財穀衣服等物悉能成辦
何以故財不如穀穀爲本故菩薩摩訶薩亦復如是
若依時依處以世間所樂財物行布施者卽能依止
阿耨多羅三藐三菩提舍利子又如羣牛先食青草
次復飲其溫涼之水水食既調卽成其乳次成其酪
後成生酥後成熟酥如是次第悉有所成菩薩摩訶
薩亦復如是先以世間所樂財物行於布施卽能依
止阿耨多羅三藐三菩提隨所樂欲悉能成辦或得
成彼轉輪聖王或復成辦三種勝相謂菩薩十地如
來十力四無所畏又復成辦千種事業卽得十八不

共佛法又復成辦千種事業得佛六十種清淨妙音
又復成辦百種事業卽得如來一大人相又復成辦
二百種事業卽得如來最上清淨烏瑟膩沙頂相又
復成辦百種功德妙相卽能圓具如來所有大法螺
音又復成辦百千俱胝功德妙相卽得如來鮮白齊
密上妙齒相舍利子是故當知如來勝業果報菩薩
悉能成辦若能發起一念慈心諸乞丐者隨應布施
卽與發彼殃伽沙數等心無異卽能成辦佛三摩地
當知諸佛從三摩地起已如來應供正等正覺於一
毛孔悉能化現百三摩地所化自在舍利子如是

如來所有一切神通事業佛法勝相皆是菩薩宿修
大行以世間所樂財物奉施如來以攝受故求甘露
法求寂靜涅槃舍利子以是緣故菩薩摩訶薩以世
間所樂財物行布施者卽能依止成就阿耨多羅三
藐三菩提果復次舍利子我念過去世阿僧祇劫前
復過無量無數不思議劫爾時有佛出現世間其名
福生如來應供正等正覺明行足善逝世間解無上
士調御丈夫天人師佛世尊其佛壽量千歲佛會之
中有百千大苾芻衆皆是大阿羅漢諸漏已盡無復
煩惱心得自在到於彼岸是時有一紡線之人色相

端嚴人所樂見其人所居去佛世尊遊止方處而復
不遠其人於自舍中營自所業功力辦已於自後分
常所出時卽出自舍前詣世尊福生如來所到佛所
已發清淨心持以一線奉上世尊作是白言我今以
此一線獻奉世尊願佛哀愍受我所施願我以此善
根未來世中獲諸攝法是時世尊卽爲攝受其紡線
人從是已後乃至成佛如是次第總以線數五百而
奉世尊由是十五劫中不墮惡趣又復以此善根千
俱胝生作轉輪聖王又此善根千俱胝生作帝釋天
主又此善根當得身分衆轉人相可愛最初修作勝

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

上事業親近供養千俱胝佛尊重恭敬以香華燈塗飲食衣服幢幡寶蓋醫藥緣具伸供養已最後復過阿僧祇劫當證阿耨多羅三藐三菩提果名善攝受如來應供正等正覺明行足善逝世間解無上士調御丈夫天人師佛世尊彼佛世尊住壽二十俱胝歲佛會之中有二十俱胝那庾多大苾芻衆皆是阿羅漢諸漏已盡無復煩惱心得自在到於彼岸有五俱胝大菩薩衆皆悉安住阿耨多羅三藐三菩提宣說正法廣度無量無數衆生作利樂已入大涅槃彼佛世尊入涅槃後正法住世滿一千歲廣作佛事如我說伽陀曰

布施不求於色相 不求受用及富饒
但求無上佛菩提 以少施故獲多利

今時當入涅槃等無有異舍利子汝見如是紡線之人發清淨心以一條線奉施如來如是次第成辦佛法謂由清淨心廣大故舍利子是故當知若心不廣大復不精勤卽不能得殊勝果報若心清淨以其世間所樂財物而爲依止隨力少施卽得一切可愛樂果又復智者菩薩以僧上智力多作勝利何以故力廣大故所作無量迴向力故爾時世尊欲重明斯義說伽陀曰

不求名稱及善譽 世間快樂亦無求
於諸起滅絕慚望 求佛大果無餘法
飲食衣服及衆具 於一切處悉無求
如毛端量發施心 求甘露門常開廓
凡所行施無高下 亦無詣曲慳惜心
是中懈怠悉蠲除 勇發世間利益事
若財若穀資身命 及餘一切悉行施
施已廣大歡喜生 菩提解脫不難得
父母妻子諸所愛 來乞勾者皆施之
所施亦無憎嫉心 是修最上菩提行

凡諸所見無怨恚 惡友常同善友觀
諸怖畏者施慰安 於諸事法無執著
不求王位生法欲 常宣出離正法門
法施普及諸衆生 利益世間常不捨
不求天中諸妙樂 唯求無上佛菩提
不怖布施大名稱 棄捨己身及餘法
唯佛菩提常不捨 非眼識色相所求
亦復不求生諸天 但求涅槃最上樂
諸所施作無依止 若成若壞悉無求
智者常生正智心 明了一切正道法

復次舍利子是故當知諸菩薩摩訶薩勤行修習布施波羅蜜多是卽廣修菩薩勝行持戒波羅蜜多品第七之一

復次佛告舍利子言云何名爲諸菩薩摩訶薩修習持戒波羅蜜多是卽廣修菩薩勝行舍利子菩薩有三種法常善所行何等爲三謂身語意皆善所行云何身善所行而菩薩者遠離殺生偷盜邪染此名身業善行又復菩薩遠離妄言綺語兩舌惡口此名語業善行又復菩薩無貪無瞋正見此名意業善行菩薩作是思惟云何此身語意常善所行若身不作業卽無殺生偷盜邪染此名身善行若語不作業卽無妄言綺語兩舌惡口此名語善行若意不作業卽無貪瞋邪見此名意善行菩薩又復如實伺察若身語意無作業者卽於諸法何能表了於身語意何所施設若青黃赤白紅紫碧綠當何顯不卽無眼識表了無耳鼻舌身意識表了何以故以無能生所生能起所起故若其無者諸作業中何能施設菩薩作是思惟已了知戒相現前無所作若無所作有何表示若無表示亦無取著如是乃名菩薩善行於其戒相亦無所觀若於戒相無趣向故卽無所觀若如是觀卽

有身見不能生起若有身見不起卽於持戒毀戒如理伺察而悉不見若如是觀卽於戒法軌範境界無所了知如是持戒於自於他悉無所得亦無所行若於自他無所行故卽於戒無毀缺亦無所取若自他無所得戒亦無所得若戒無無所得卽戒學無缺犯若戒學無缺犯卽戒亦無缺犯如是卽戒無所取何故無取以一切法無所取故是故一切法無自亦無他於無我中當云何取爾時世尊欲重明斯義說伽陀曰

身業清淨語亦爾意常清淨修淨行

禁戒清淨復常行此名菩薩持淨戒

十善業道賢復勝菩薩智者善所觀

於身語意悉無修此名智者持淨戒

無修無勝亦無授形色顯色而復無

若無形顯色相觀諸境何能見彰表

戒若無爲無修作眼於色境不能觀

耳鼻舌身意亦然諸境無能爲表示

根識若無相引發悲心應作如是觀

於戒清淨戒亦無戒中無得而無住

如是解了無我相戒無所護善護戒

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

無戒想無戒中修

菩提行中離諸見

若於諸見無所觀

無見亦復無知解

卽此無見處亦無

是中持犯無領受

若入無護正法理

戒中軌範不思議

善能了知真護門

無戒亦復無所得

無我亦復戒中無

無我想故戒無得

淨戒是爲無我語

所說常生離怖心

戒所依止亦復無

我無領解卽無我

無持無犯無所取

無戒無求無我言

無我卽能無戒想

戒無我故無所起

如是戒相得無畏

菩提行乃深慧門

持者皆由聖力增

諸有缺犯亦無得

爲愚癡者說持犯

諸法無得亦復然

於戒勝果無縛解

大哉淨戒善護者

三惡趣中皆不墮

諸見斷故罪不生

我見不生卽不墮

戒無所持無所受

卽此卽無持亦無犯

於中如是戒了知

若於我法不能見

於三有中亦無觀

復次舍利子菩薩十種善法從彼清淨心意中出從

東京大学総合図書館所蔵

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

大乘菩薩藏正法經卷第十八

如九

彼精進勝行中出從彼最極善欲廣大業報信解中
出於聖者所親近承事於師尊所不起分別若聖若
師聽受正法勤求無著志求菩提不惜身命舍利子
持戒菩薩如是十種勝法皆從菩薩内心中出若能
安住如是十種法者卽能積集一切善法

佛說大乘菩薩藏正法經卷第十八

校訛

第六紙

九行水字南藏承作

第十六

四行殊誤作珠從南改正

音釋

顛

許校切以鼻聲氣曰顛

檐

都溫

顰

贊

蹙

毗賓切

蹙

蹙子

誚

切謾也

瑕疵

何加切

舉

羊諸切

紡

妃罔切

丹陽居士賀愁熙懋照燃熒燭懋煥仰承先嚴賀學禮遺願施資刻此佛說大乘菩薩藏正法經卷第十九計字七千七百十八個該銀四兩零一分四厘江滄釋在琳對上元陶邦本書許應明刻萬曆己未歲夏六月徑山化城寺識

6 7 8 9 10 1 2 3 4 5 6 7 8 9 20

大乘菩薩藏正法經卷第十九

二二

九九

4

佛說大乘菩薩藏正法經卷第十九

第二十同卷

宋西天三藏朝散大夫試光祿卿傳梵大師

法護等奉詔譯

持戒波羅密多品第七之二

佛言舍利子云何名爲善法當知善法厥有三種謂身語意善所行故諸菩薩摩訶薩如是安住善所行者能於菩薩藏正法勤求修習卽得菩提而常隨逐爾時世尊欲重明斯義說伽陀曰

身業常當善修作

此是諸佛所宣說

隨處親近阿闍黎

卽得多聞善境界

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

補特伽羅勝義者

常起慈心利衆生

語言妙樂無愛憎

所說聞者生樂欲

隨諸相法無恚惡

極善意樂悉平等

修習不生罪欲心

慈心觀察常尊重

得聞如來淨教已

應當尊重於正法

由其尊重正法因

速得成證菩提果

如是十種善法菩薩能安住已卽於菩薩藏正法勤求修習親近承事諸阿闍黎隨諸所作總略乃至給奉水瓶復次舍利子菩薩有十種發心何等爲十一者菩薩發如是心痛哉世間一切衆生疾惱之身四

蛇奮毒互相違害積集諸苦生多過失癰疽瘡癰風
瘍瘻瘻起衆疾狀眼等諸病歷多艱苦極增違害速
疾破壞是不堅實羸劣衰朽速趣命終棄於林中無
一可樂我當令一切衆生歡此不堅實身慚取堅固
真實之身舍利子此是菩薩第一發心由發心已能
於菩薩藏正法勤求修習親近承事諸阿闍黎隨諸
所作總略乃至給奉水瓶爾時世尊欲重明斯義說
伽陀曰

諸界如蛇毒猛惡

四種互相爲依止

各各咸興恚害多

於身廣生大病惱

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30

眼耳二處生諸病

鼻舌所生病亦然

脣齒生病苦復深

及餘疾患徧身起

癰疽初起生疼苦

瘡癰旋生痛劇增

餘諸疾患起多門

由此於身徧纏繞

此身旣生諸病惱

積集諸苦在其身

無義無利損害多

速疾銷亡身謝滅

一棄林中何所有

無常迅速不堅牢

諦觀如是臭穢身

與諸病苦爲依聚

應修賢善諸事業

當來回作佛身因

捐棄如是衆惡身

破毀衰殘而迅速

佛身成辦圓衆德

不可思議大法身

回觀如是衆苦身

諸漏偏增不可樂

當知別無諸漏法

卽以此身爲漏因

暫居炎熱欲清涼

或處凝寒思庇覆

痛哉此身何所樂

老死常縈損害多

厭寒怖熱惱其心

一切墮落皆破壞

智者應修士夫業

願得最上真實身

堪任親近阿闍黎

厭棄此身虛幻體

舍利子此是菩薩第一殊心

後次舍利子二者菩薩

發如是心痛哉世間

一切衆生不堅實身斷滅摧毀

破壞離散舍利子譬如世間工巧窯師造諸缢器隨量大小雖有所成卽歸破壞世間衆生虛幻所成不堅實身亦復如是又如大樹枝葉扶疎花果茂盛雖可愛樂卽歸墮落世間衆生不堅實身如成熟果亦復如是又如清夜露滴草頭日光照觸旋有卽無世間衆生不堅實身不久暫停亦復如是又如世間大海江河流注不斷水中聚沫旋有卽無世間衆生身如聚沫不可撮摩亦復如是又如天雨水滴成泡旋滅旋生不能暫住世間衆生不堅實身自性劣弱亦復如是舍利子菩薩欲令衆生厭棄如是不堅實身

憚取堅固真實之身此是菩薩第二發心爾時世尊欲重明斯義說伽陀曰

如世巧匠造缢盆

杖輪溝等共成器

一切同歸破壞門

衆生壽命亦如是

又如大樹盤根廣

枝葉扶疎花果繁

一切同歸墮落門

衆生壽命亦如是

又如草端承露水

日光照灼倏然無

眼境不停須臾間

衆生壽命亦如是

又如大海江河水

水中聚沫劣無堅

衆生虛幻羸弱身

等彼聚沫皆無實

又如天雨廣流注

水中旋復起浮泡

剎那觀境卽空無

不堅實身亦如是

不堅實身生實想

實中還起不實心

彼人不入真實門

此邪思惟妄境界

實中若作真實想

不實當生不實心

彼人得入真實門

此正思惟真境界

若起真實心想已

承事師尊舉水缽

回此虛幻不實身

當得堅固真實體

舍利子此是菩薩第二發心復次舍利子三者菩薩

發如是心痛哉世間一切衆生不能如是思念我於

生死長夜之中遠離善知識親近惡知識發起懈怠
下劣精進邪見所覆寢冥疲乏無施無愛無諸善作
唯造惡業果報成熟感諸不善當得身相貪愛增劇
羸瘦憔悴或生餓鬼趣中不能活命以火爲食經多
百歲多千歲多百千歲不聞水聲何況得飲我今回
發是心願當親近習行善法近善知識由如是故當
得人身善能活命行諸布施乃至捐棄軀命親近承
事諸阿闍梨於菩薩藏正法勤求修習隨諸所作總
略乃至給奉水缽此是菩薩第三發心爾時世尊欲
重明斯義說伽陀曰

世間所有善知識 應當往彼常親近

不能數數近善因

由是不生諸善行

以其親近惡友故

即常遠離賢善人

懈怠下劣精進心

慳疾詭誑生過失

不行布施無愛樂

一切善法不能行

果熟當招瘦弱身

人間或生餓鬼諸境界

長夜眠伏於生死

中不蘊報癡冥怖畏多

飲食俱無饑渴增

備受廣多諸苦惱

經歷多百千歲中

渴苦不聞水之聲

布施善道不復觀

不得世間諸善相

我今回發如是心 世間人身極難得

誓願親近阿闍黎 速獲圓滿諸善行

常當遠離惡知識

常得親近賢善人

捐棄身命不爲難

願作菩提勝根本

於阿闍黎起尊重

恭敬發生清淨心

頂奉承事我所行

願作菩提勝根本

舍利子此是菩薩第三發心復次舍利子四者菩薩

發如是心世間衆生應如是念我於長夜中遠離善

知識親近惡知識發起懈怠下劣精進癡冥疲乏無

忍無愛無諸善相心困身倦如被打擊衆苦逼迫燒

亂衆生若無彼緣寧招罪至由是廣造諸不善業以
其不善之業果報成熟當墮牛畜駝驢趣中不能活
命於彼趣中以草爲食咀嚼齶齧搘打怖畏負重困
苦遠離一切施等善相我今回發是心親近善友當
得人身不惜軀命廣行布施作諸善業親近承事諸
阿闍黎於菩薩藏正法勤求修習隨諸所作總略乃
至給奉水餅此是菩薩第四發心爾時世尊欲重明
斯義說伽陀曰

衆生長夜居險惡 於諸聖道不了知
駝驢畜類趣中生 備受廣多諸苦惱

當來若得人身相 廣作賢善諸事業
趣向菩提正道門 此是智者之勝相
我當發起尊重彼 已能善住佛法者
奉阿闍黎教誨言 願作菩提勝根本
過去不思議劫中 於生死輪循環轉
徧歷無義無利門 不能修作布施行
處世不能自活命 解憶遠離善知識
常隨惡友教誨言 隨轉還歸惡趣地
相續駝驢中杻械 繫縛拘繫搘打身
遠離善友果報成 牛畜趣中業不壞

駝驢趣類受生已

連環執縛苦惡深

杖木鞭笞負重多

善友爾時難親近

人身最極爲難得

善友親近亦復難

利那親近善功成

歷久能拔諸艱苦

若能善修身語業

精進遠離諸過失

心安命活衆所行

我乃親近善知識

奉阿闍黎無詭曲

從是我發菩提心

菩提聖道廣宣揚

遵仰師尊常愛重

塗香種種妙香等

衆妙衣服及末香

異品莊嚴寶花鬘

二足聖尊伸供養

十方現住一切佛

開示勝義利衆生

普放金色大光明

無邊色相爲供養

如佛所放妙光已

廣供人中調御尊

菩提正道清淨因

詣菩提場願證果

舍利子此是菩薩第四發心復次舍利子五者菩薩

發如是心世間衆生應如是念我於長夜中遠離善

知識親近惡知識發起懈怠下劣精進癡冥疲乏無

忍無愛無諸善相都無所念痛哉世間一切衆生不

能思念一切物命同一身內若存若壞其肉無異食

噉之者謂之無罪亦無罪相謂之無福亦無福相乃

至海岸邊極遼復之方諸有衆生其見無異無罪無福由此緣故若罪若福不能了知以不知故近惡見者增長癡暗不知善道唯造惡業以其廣造不善業故果報成熟得下劣身相乃至墮在地獄趣中受地獄苦吞熱鐵丸考掠捶打杻縛懸吊將趣死邊業還令活經多千歲不聞樂聲何況樂觸斯由不知罪福不造施因智者應念我今回發是心親近善友當得人身不惜軀命廣行布施作諸善業親近承事諸阿闍梨於菩薩藏正法勤求修習隨諸所作總略乃至給奉水餅此是菩薩第五發心爾時世尊欲重明斯

義說伽陀曰

爲由親近諸惡友 惡心欺詭於佗人
罪業邪見爲所依 故我廣興於罪業
邊極遼夐衆生類 恣噉飲食無足心
皆謂罪福悉無因 亦無苦楚諸報應
此等如是罪業見 數數親近於惡友
一向艱惡罪殃深 田斯速墮於地獄
縱得人身經千轉 旋墮三種惡趣中
不見正等正覺尊 出現世間堪歸向
所有世間善知識 極善名稱悉不聞

我若當來得人身 廣修賢善諸事業
世間人身最難得 衆生壽命亦復難
如來正法極難聞 諸佛出世實難值
縱得人身斯難者 速得聖道轉復難
我若值佛出興時 遵一切智清淨教
所有身語意三業 發起一切諸過罪
於不究竟苦果中 誓願不復還修作
若復内心清淨故 罪業因果亦復然
於不究竟苦果中 如彼内心皆清淨
所有極善身語意 世間無智誠難作

唯除親近阿闍黎 小心願作菩提勝根本
當知正道名聖道 如其意樂善宣說
當入無詭精進門 作佛菩提勝根本
菩薩如是發心已 頂重師尊給水餅
智慧方便悉圓成 是爲菩薩廣大行
舍利子此是菩薩第五發心復次舍利子六者菩薩
發如是心世間衆生應如是念我於長夜中遠離善
知識親近惡知識無善樂欲於師尊智者不能謙下
恭信百種稱讚親近禮奉誠諦合掌作諸善業但以
慢心增長造多不善由其所作不善業因果報成熟

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

縱得人身羸瘦憔悴不能活命不能行施雖生人中
 其性慳惈加復貧困或作奴僕爲他所使佗所繫屬
 如耽欲飛禽於空中行隨所住處驚怖艱險邪見衆
 生亦復如是破毀淨戒而常習行三不善根在四趣
 中五蓋所覆常行六種不能尊重師長之法於其七
 種善妙正法不能遵奉起八邪法入邪定聚於九惱
 處常起惱害常行十種不善業道於非道中堅猛而
 入向地獄門背生天道遠善知識近惡知識順魔意
 樂捨離善法行不善法打擊怖畏艱苦隨生施作種
 種不饒益事以是緣故不能愛樂行布施等我今回

發是心親近善友當得人身不惜軀命廣行布施作
 諸善業於菩薩藏正法勤求修習隨諸所作總略乃
 至給奉水缾此是菩薩第六發心爾時世尊欲重明
 斯義說伽陀曰

近惡友故增憍慢 親近還經多劫海
 人中若受奴僕身 長夜輪回於三有
 難得人身歷艱苦 最上身相極難得
 善妙色相亦復難 諸佛出世極難值
 我當親近賢善友 顯示菩薩正行道
 菩提心實廣大增 多俱胝劫願獲得

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

身不堅牢如泡沫 復如幻化歌戲等
 如其所見在夢中 覺了無實悉虛假
 壽數將盡命促少 猶如雲電不久停
 利邢命盡轉蘊時 捨不實身求實體
 時分轉易迅速住 當須摧墮憍慢山
 虛假和合三世中 漂流不思議劫海
 棄捨於身離諸愛 於其壽命亦無惜
 繑除憍倨我慢心 頑重師尊常承事
 世間師尊極勝上 如其父母等無差
 息除憍倨我慢心 尊重精勤奉諸作

菩薩無上菩提分 菩薩勝行同分者
 愛樂尊重堅同心 願諸所作皆勤勇
 慢愛行時慢增長 除斷慢法不能知
 由智金剛破無餘 大憍慢山皆摧墮
 令他修勝菩提行 最勝安處菩提場
 正法摧伏諸魔軍 救度四生煩惱衆
 十方一切病苦者 不能自獸不淨身
 我當發起慈悲心 願作三世所歸趣
 廣行布施波羅密 復能學佛戒功德
 誓觀忍辱行周圓 我發精進最上道

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

經

大乘寶圖經卷第十九

圓具禪定波羅蜜 隨心所起善安住

勝慧方便亦復然 願奉師尊修施行

增長此諸福威力 不可思議智慧善

自他意樂悉尊高 修學圓成真法器

舍利子此是菩薩第六發心

佛說大乘菩薩藏正法經卷第十九

佛說大乘菩薩藏正法經卷第二十

宋西天三藏朝散大夫試光祿卿傳梵大師
法護等奉詔譯

持戒波羅蜜多品第七之三

復次舍利子菩薩發如是心世間衆生應如是念我
於長夜中遠離善知識親近惡知識發起懈怠下劣
精進癡冥疲乏如瘡瘍人無見無忍亦無善愛無惡
業惡報無善業善報無雜業雜報既不自知亦復不
能請問沙門婆羅門諸阿闍梨何者是善何者不善
何者有罪何者無罪何者所應親近何者不應親近

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

何者所應作何者不應作何者作已於長夜中無義
無利生諸苦惱由是我慢增長不能了知善業根本
唯造一切不善之業縱得人身諸根殘缺又於人中
不能活命不能行於布施又於人中盲聾瘡痘無諸
色相善說惡說悉不能知由如是故不樂布施我今
應當回發是心親近善知識若得人身諸根完具能
活其命習行布施不惜軀命具諸色力善說惡說悉
能了知復能請問師尊智者何者是善何者不善何
者有罪何者無罪何者所應親近何者不應親近何
者諸所作時違背聲聞緣覺之法順向菩提藏義親

近承事諸阿闍黎隨諸所作猷此不真實身慚取堅
固真實之身總略乃至給奉水餅此是菩薩第七發
心爾時世尊欲重明斯義說伽陀曰

欲近善友作利益 我乃遠離多百劫
不能請問善惡門 有罪無罪果報等
增上慢心墮地獄 傍生餓鬼諸趣中
親近罪業諸友朋 多劫歷苦而無盡
縱得人身根殘缺 多千劫中受輪迴
不能了知善惡門 有罪無罪果報等
若得人身離艱苦 諸根完具善相圓

人相完具離難時 如一眼龜值浮木
得覩世間燈照曜 佛教中聞無染法
爾時請問世間尊 諸善不善果報等
慳者云何所趣向 何者慳者能行施
食詭毀戒復云何 又何不破淨戒者
云何恚惡心無動 云何懈怠散亂心
精進禪定樂云何 惡慧癡冥何所爲
云何得彼真實慧 云何菩提行方便
六種賢行竟云何 慈心廣大世間勝
惡趣衆生云何救 云何樂法心無狀

菩提行藏廣勤求 十方利中善安住
云何親詣世間尊 云何禮奉營諸福
普賢行門復云何 如我今時善親近
云何請問阿闍黎 願聞師尊尊重事
生阿闍黎歡喜心 此心生已真佛子
福力智力爲增上 是中所成廣大智
智力增強發勝心 紿奉水餅生歡喜
舍利子此是菩薩第七發心復次舍利子菩薩發如
是心世間衆生應如是念我於長夜中遠離善知識
親近惡知識發起懈怠下劣精進癡冥疲乏如瘡瘍

人所有世間一切文句與義句合與法句合法句合
故住於寂靜與離貪合寂滅正智與沙門婆羅門涅
槃同住於一切處所作我乃棄捨不能了知文義句
合乃至不與涅槃同住亦復不能受持讀誦亦復無
力又無精進無士夫力用無士夫勢無士夫勤勇無
最上精進無因無緣諸衆生煩惱亦無因無緣衆生
雜染無因無緣衆生清淨無因無緣此等無因依止
諸見不能了知所作善業唯造惡業縱得人身諸根
殘缺又於人中不能活命不能行施癡迷所覆盲聾
瘡瘍無諸色力不能了知文義句合乃至不與涅槃

同住亦復不能受持讀誦由如是故不能親近習行
善法我今應當回發是心親近善法乃至不惜軀命
了知文義句合於出離道涅槃同住於菩薩藏正法
勤求修習受持讀誦發勤精進親近承事諸阿闍黎
於菩薩藏正法受持讀誦猷此不真實身慚取堅固
真實之身福智勝力當得圓具以福智力得圓具故
所作慣習而能積集菩薩藏正法親近承事諸阿闍
黎隨諸所作總略乃至給奉水餅此是菩薩第八發
心爾時世尊欲重明斯義說伽陀曰

所有法義相應故 於正道分修道行

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

寂滅理中作證門

而涅槃道得真實

若於此法遠離者

卽於諸法無所利

無義利句設相應

不能親近彼正法

無力亦復無精進

士夫勢用悉皆無

無佗勤勇亦復然

於一切處無所得

由斯善惡業皆無

一切皆無諸報應

此諸如是罪業見

數數親近罪根深

善去一向艱惡日增多

墮地獄中經久遠

地獄出受傍生報

由餓鬼趣中深復深

其後縱得人中生

聾騃癡冥而無舌

餘業復受瘖瘞報

癡暗缺漏苦還增

而復重受地獄殃

由不了故當墮墮

經歷久時後當得

人身具足善相圓

諸根旣具勝力增

依時淨住而思忖

若於諸法義相應

卽得同歸出離道

修菩提道證菩提

我當思惟如是事

所有諸大菩薩藏

和合甚深正法義

經歷俱胝千劫中

發生淨信極難得

若此若餘廣多數

諸佛妙法不可思議

隨諸修作能受持

爲佛菩提勝根本

我當親近及承事

尊重信奉阿闍黎

諸佛菩薩亦復然

卽得最上清淨信

發生如是淨心已

即是菩薩廣大心

勝慧方便悉圓成

給奉水餅常精進

舍利子此是菩薩第八發心復次舍利子菩薩發如
是心痛哉世間一切衆生以其愛著於身命故常爲
一切無義利行顛倒隨逐何者名爲無義利行謂彼
衆生愛著身命不能愛樂菩提分法以其我見而爲
先導執著心堅癡冥所覆摧毀破壞衆事隨逐此說

是名無義利行又復衆生愛身命故以其我見而爲
先導愛戀妻室男女知識以愛著心隱覆癡暗遠離
諸饒益事此說是名無義利行又復衆生愛身命故
以其我見而爲先導顧惜奴婢作事人等瞻視防護
此說名爲無義利行復次世間一切衆生有義利行
常所隨逐者謂若衆生不惜身命愛樂菩提分法以
菩提心而爲先導善修身語意業此說名爲有義利
行又復衆生不惜身命而常愛樂菩提分法以菩提
心而爲先導積習布施波羅蜜多乃至積集般若波
羅蜜多此說名爲有義利行又復衆生不惜身命而

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30

常愛樂菩提分法以菩提心而爲先導行布施愛語利行同事普攝一切衆生此說名爲有義利行又復衆生不惜身命而常愛樂菩提分法以菩提心而爲先導修習念處正勤神足根力覺道勝菩提分此說名爲有義利行又復衆生不惜身命而常愛樂菩提分法以菩提心而爲先導聽受父母及阿闍梨諸有教誨禮拜讚歎恭信合掌奉諸所作此說名爲有義利行又復衆生不惜身命而常愛樂菩提分法以菩提心而爲先導常以淨心營三寶事此說名爲有義利行又復衆生作如是念我以惜身命故無義利事

常隨逐我我當發勤精進親近承事諸阿闍梨不惜身命隨諸所作猷此不真實身慚取堅固真實之身福智勝力當得圓具以圓具故所作慣習悉能成辦讀菩提場當證聖果舍利子此是菩薩第九發心爾時世尊欲重明斯義說伽陀曰

若人愛惜身命故 菩提分法不愛樂

三不善業造圓成 此乃愚夫異生類

愛樂已身及妻室 幷諸男女眷屬等

此無義利執著心 旋轉三界愚癡者

又於奴婢作業人 不覺了知常顧戀

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

此無義利愛著深 資生畜養四足等

廣多聚積諸財穀 不自受用不與人

此無義利愛著深 祕護伏藏不彰顯

此無義利染著故 彼愚夫心常愛惜

返於菩薩善意中 棄捨不能生愛樂

若能不惜於身命 愛樂菩提勝分法

三種善業造圓成 此卽名爲有義利

施戒忍辱及精進 禪定勝慧亦復然

與彼方便行相應 此卽名爲有義利

承事父母爲先導 遵奉師尊亦復然

審諦思惟三寶門 此卽名爲有義利

諸大菩薩甚深藏 普攝一切勝法門

受持誦念廣宣揚 此卽名爲有義利

此有義利諸勝行 乃是諸佛親所宣

如其所說義相應 是名佛子廣大行

發生如是大心已 復起清淨諦信心

親近承事阿闍黎 紿奉水餅隨諸作

舍利子此是菩薩第九發心復次舍利子菩薩發如是心痛哉世間一切衆生不能如理調伏心意違背阿闍黎所有教誨彼人不得阿闍黎財何者名爲阿

闍黎財所謂信財戒財聞財捨財慧財慚財愧財如是七法名阿闍黎財由其不得如是財故當受貧苦逼惱其心智者應當善調伏心隨順阿闍黎所有教誨習行布施作諸善行何以故若能善調伏心隨順黎財謂得菩薩藏正法普攝一切菩薩勝行善調伏法如是知已當於菩薩藏正法勤求修習廣爲佗人宣布演說若能安住菩薩藏者卽得畢竟斷除貧苦趣向阿耨多羅三藐三菩提如是發心已卽能隨順阿闍黎教行布施等猷此不真實身慚取堅固真實

之身親近承事諸阿闍黎隨諸所作總略乃至給奉水餅舍利子此是菩薩第十發心爾時世尊欲重明斯義說伽陀曰

所有難調諸衆生 內心詭詎復險惡
違背師尊教誨言 不能堪任諦忍受
此難調伏既知已 應當隨順師教誨
如其教令所宣揚 卽得大仙聖財寶
所謂信財及戒財 聞財捨財亦復然
其中最勝曰慧財 慚愧等財爲七種
了知如是聖財已 七種伏藏用無盡

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

其中若或不能知此卽名爲非法器
若是法器衆生者彼卽圓具諸佛法
無詭善調可稱揚發勤精進修施行
勝妙法欲心尊重捐棄身命不爲難
修佛菩提法器成知已修持常無間
法界平等無差別佛調御尊親所宣
此菩薩藏正法門能於菩提善安住
如其所說廣大法卽是諸佛真實財
爲一切法無我門無相亦復無空相
無其壽命無作者亦無戲論無含藏

於一切法自性中無生無相本如是
諸法無成亦無壞諦觀諸法本無相
善調伏者如教行隨諸教令善修作
若得見佛自然智隨自境入解脫門
如其信財及戒財聞捨慚愧慧等七
如是聖財無上寶七法圓成用無盡
聞其法藏廣施門善調心意皆隨順
於諸善友常親近勤行諸法亦如是
頂重無上大菩提發生如是勝心已
如渴思飲而無懈

清水盈滿淨器中 廣大愛樂心獻奉

舍利子此是菩薩第十發心由發心已卽於菩薩正法勤求修習親近承事諸阿闍黎隨諸所作總略乃至給奉水餅由此最勝善根力故修菩薩行者得四種法何等爲四一者如阿闍黎所說速得一切善法二者隨順阿闍黎言三者修行速得成辦四者圓滿修行法因復次舍利子修菩薩行者生於人間得四種法何等爲四一者教授多人一切善法隨能安住二者居巖窟處得彼多人衆皆歡喜三者以廣大心於晝夜中多人咸詣四者無所發起趣命終已得生

天界復次舍利子修菩薩行者生於天中得四種法何等爲四一者得彼天衆與最上座二者一切所向得彼天衆觀其面相三者隨有所說領受解了四者時詣帝釋天主之處請決所疑而不詣彼餘天衆處天中得彼宮殿受用舍利子修菩薩行者生彼天中得如是等四種之法若生人中亦得無量百千法門爾時世尊欲重明斯義說伽陀曰

天中得彼高勝座 復得天衆常恭信
一切天衆所觀瞻 如是常聞善說法
一切所作皆智者 問法帝釋無惱心

殊妙宮殿得彼天 天中沒已來人界

復得人中勝生處 作轉輪王統四洲

人中沒已卽還生 於彼天中受勝樂

天界不復經苦受 頂重師尊此爲因

如是四種勝妙門 常得如是廣大事

由起如是無著心 頂奉師尊善所作

以清淨心給水瓶 愛樂尊重常無倦

又得一切天人龍 所應供養常尊奉

於彼所生天界中 亦復得其四種法

天界云何名爲四種法 先所作業悉能知

積集善行及善因 現生所作常無減

又復由其善法故 而悉了知生滅處

現生無動亦能知 是故了知諸法行

能爲諸天廣宣說 依法顯示及教誨

廣作利喜勝行門 然後還從天界沒

復次舍利子修菩薩行者得四種法

此中文標四法
其三四梵本元

無何等爲四一者天中沒已來於人間同禁戒者同分中生二者生人中已於現生中得五種悲法何等爲五一者現生得於善法中生二者現生儀相具足三者現生淨戒圓滿四者現生眷屬廣多五者現生

6 7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4

於諸衆生起慈心觀又復當得五種不破壞法何等爲五一者善友知識常不破壞二者身不速壞三者富樂受用常不破壞四者所發菩提心堅不能壞五者於饑饉時法樂豐熟又復當得五種希有之法何等爲五一者以空缢器置於一處自然有其清淨水滿水中盈積諸妙珍寶二者渴須水時自然有其八功德水出現於前三者身中離諸災難所謂若毒若刀若火若水若飲伏威光若吞噉怖畏四者若值刀兵劫時疾疫劫時饑饉劫時火災劫時水災劫時風災劫時渴乏劫時炎熱劫時夜叉難時現生闇浮提

中者卽得天界中生受諸快樂所受妙樂如金剛嬉戲此是希有之法

佛說大乘菩薩藏正法經卷第二十

校訛

第十二紙五行他

南藏作他

音釋

瘍音黃病也劇竭戰切甚也窯餘招切燒瓦竈也繫陟立切絆絆絆也噉徒覽切食也覩覩正切居御也駄詔駭切癡也

6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9 30



丹陽居士賀懋熙懋照懋焚懋心燉懋輝仰承
先嚴賀學禮遺願施資刻此
佛說大乘菩薩藏正法經卷第十一 計字八千
二百九十五個該銀四兩三錢一分二厘
江陰釋在琳對上元陶邦本書戴伍刻
萬曆己未歲夏六月徑山化城寺識

大乘菩薩藏正法經卷第十一

卷第十一